



門ル
號 3176
卷 17



海國圖志卷之六十

外大西洋

邵陽魏源輯

彌利堅國即育奈士迭國總記

原本

案粵人稱曰花旗國其實彌利堅即墨利加又作美理哥乃洲名非國名也西洋稱部落曰士迭而彌利堅無國王止設二十六部頭目別公舉一大頭目總理之故名其國育奈士迭國譯曰兼攝邦國

育奈士迭國在北阿墨刺加洲中為最巨之區其地自

古不通各洲，土曠人稀，皆因底阿生番游獵其間。耶穌紀歲千二百九十二年宋祥興十五年，呂宋之戈攬麻士乘船西駛，始知此地，創立佛羅里達部落，開墾興築，將二百年，闢地未廣。千五百八十四年明萬曆十二年，英吉利女王衣里薩柏時，有英吉利人往彌利堅海岸開墾，大呂宋人拒戰，英吉利人敗走。英國女王依里薩柏遂遣勇將精兵往墾其地，無人敢阻，遂名其地曰洼治泥阿。續遣二臣協創部落，復墾羅阿叻之地。英國占士王遂設甘巴尼二員分治之，一曰蘭頓甘巴尼，一曰勃列茂甘巴尼。

又於所屬各部落增設岡色爾之官，而總轄於蘭頓之岡色爾。又遣三巨船，每船載百有五人，瀕河建築部落，卽以國王之名名之，曰占士部落。千六百有七年明萬曆十五年，英人與土人爭鬪，英之首領士彌爲土目包哈但所擒，自後英人不敢橫行，惟與土人互相媾姪。生齒日熾，千六百二十一年明天啟元年，英國設總領于洼治尼阿。是年嚴禁波羅特士頓教，斯教逃出數百人，由荷蘭駕舟至彌利堅開墾，創建城邑曰紐英蘭。千六百二十八年明崇禎元年，復得沙廉地，卽今馬沙朱碩士部落，自設總

領自立律例千六百三十二年明崇禎五年覓出紐舍社千六百三十五年明崇禎八年覓出勃羅威電次年開出衰弱底格千六百三十八年明崇禎十一年復開出紐舍汾并歷年在海岸所墾之緬地均建築城邑設官治理尙有歐羅巴人續墾洲內各地千六百四十二年明崇禎十五年英國女王馬里阿勅加特力教之律官來治此地亦以國王之名名之其地曰馬里蘭千六百六十三年康熙二年英國查爾士王令數臣往墾彌利堅南隅卽今之戈羅里那亦以國王之名名之其首部落曰查爾士頓後又擴地開

疆遂分爲南戈羅里北戈羅里明年英國復奪取荷蘭與綏林所墾之紐育紐惹西若地拉洼三部落至是千六百八十年康熙九年英吉利水師官威廉邊者復開賓西爾洼尼阿部落千七百三十二年雍正十年英人復墾若治阿之地竭心力歷艱險至千七百五十二年乾隆十七年始成部落無異於戈羅里計英吉利占士王至查爾士王二代所得阿彌利堅洲內之部落十有六區悉將因底阿土番驅之遐陬千七百五十六年至六十二年乾隆二十一年至二十八年復興兵奪據佛蘭西國所墾之加那達佛

羅里達兩大部落，除墨西哥一國外，凡歐羅巴人所墾，
阿彌利堅洲部落歸英國者，十有八區，盛極生驕，強徵
稅餉，部眾籲免不聽。千七百七十六年，乾隆四十年，土眾憤
怒，次年遂約佛蘭西、大呂宋、荷蘭諸仇國助兵，恢復爰
議，以戈攬彌阿之洼申頓為首區，總統兵馬，稱為育奈
士迭國，與英國血戰七年，客不敵，主大破，英軍國勢遂
定。千七百八十三年，乾隆四十八年，即有附近彌斯栖比各部
落前來歸之。千七百九十二年，乾隆五十七年，有根特機部落
率眾附之。千七百九十六年，嘉慶元年，地尼西部眾咸肯英

吉利而附之。洼門部落在阿希阿地開墾，歷十四年之
久，始成部落。於千八百有二年，嘉慶七年，即來歸之。因底阿
那伊里內斯西隅之阿那麻馬，同彌斯西比極南近海
之佛羅里達緬地、馬沙朱碩斯，以及彌斯西比東邊各
部落米梭里諸部落，於千八百十六年至二十年，嘉慶二十
一年至二十五年，先後歸之。千八百三十六年，道光十五年，阿千薩
斯、米治顏同時附之。此外尚有彌斯栖比西隅之雷栖
阿那一部落，亦以價贖諸佛蘭西，而歸育奈士迭管轄。
統計設立育奈士迭以後，凡六十年，創建大部落二十

有七稱大國與英吉利為勍敵

政事自千七百八十九年

乾隆五十四年

議立育奈士迭國以

戈攬彌阿之洼申頓為首區因無國王遂設勃列西領一人綜理全國兵刑賦稅官吏黜陟然軍國重事關係外邦和戰者必與西業會議而後行設所見不同則三占從二升調文武大吏更定律例必詢謀僉同定例勃列西領以四年為一任期滿更代如綜理允協通國悅服亦有再留一任者總無世襲終身之事至公舉之例先由各部落人民公舉曰依力多經各部落官府詳定

送袞額里士衙門核定人數與西業之西那多里勃里先特底甫官額相若各自保舉一人暗書彌封存貯公所俟齊發閱以推薦最多者為入選如有官舉無民舉有民舉無官舉彼此爭執即由里勃里先特底甫於眾人所舉中揀選推薦最多者二人仍由各依力多就三擇一膺斯重任其所舉之人首重生于育奈士迭國中尤必居住首區歷十四年之久而年逾三十五歲方為合例否則亦不入選

設立副勃列西領一人即袞額里士衙門西業之首領

若勃列西領遇有事故或因事出國即以副勃列西領暫理其保舉如前例

設立衮額里士衙門一所司國中法令之事分列二等

一曰西業一曰里勃里先好司好司二字猶衙門也

在西業執事者曰西那多每部落公舉二人承充六年更代所舉之人必居首區九年而年至三十歲者方為合例專司法律審判詞訟如遇軍國重事其權固操之勃列西領亦必由西那多議允施行常坐治事者額二十人曰士丹吝甘密底無額數者曰甘密

底皆西那多公同拈鬮以六月八日為一任期滿復拈鬮易之

在里勃里先好司執事者曰特底甫由各部落核計四萬七千七百人中公舉一人承充二年更易所舉之人須居首區七年並年至二十五歲者方合例以現在人數計之特底甫約二百四十二人立士碧加一人士碧加頭目也總司其事凡國中徵收錢糧稅餉均由特底甫稽核官府詞訟則特底甫亦可判斷常坐治事之士丹吝甘密底每年於三月初四日由士碧加

于各特底甫中，揀派二十九人，以六人專司會議，其餘或理外國事宜，或設計謀，或理貿易，或理工作，或理耕種，或理武事，或理水師，或理公眾田地，或理案件，或理驛站，或理因底阿人事件，各司其事，以一年期滿，再由士碧加選代。

每歲十二月內第一禮拜日，則滾額里士衙門之西那多里勃里先衙門之特底甫齊集會議，或加減賦稅，或國用不足，商議貸諸他國，貸諸本國，或議貿易如何興旺，鑄銀輕重大小，或議海上盜賊如何懲治。

或國中重獄，有無冤抑，或蒐閱士卒，增益兵額，或釋回俘虜，或嚴立法律，懲服凶頑，或他國窺伺，如何防禦，一一定議，至歲中，遇有倉猝事宜，隨時應變，又不在，此例。

其專司訟獄衙門，在洼申頓者，一曰蘇勃林，在各部落者，曰薩吉，凡七日，底士特力，凡三十有三，各以本國法律判斷。

蘇勃林衙門一所，專司審訊，額設正官一員，副官六員，每一人分轄一薩吉，凡國內大官之訟，或案中有

牽涉大官之訟，或本屬薩吉所轄部落，與別薩吉所轄部落，不睦爭執之訟，均歸其審斷。

薩吉衙門七所，每薩吉轄底士特力四五屬不等，凡屬下部落之獄，有罰贖銀百員以上者，或所犯之事，例應監禁六月者，俱歸薩吉審判。

底士特力衙門三十有三所，每底士特力轄部落多寡不等，凡屬下部落有犯輕罪，與在洋不法者，俱歸底士特力審斷，按其情節輕重，擬議罪名，間有不能結案者，送薩吉審斷，或與薩吉會訊。

每部落設底士特力阿多尼一員，麻沙爾一員，底士特力阿多尼專司緝捕理所屬官民訟獄，麻沙爾會同薩吉底事特力等衙門審判部內之事，國中于袞額里士之外，又設立士迭西格里達里一人，仁尼臘仁尼臘爾二人，在國中治事，以士迭西格里達里爲首，若行軍，則以兩仁尼臘爾爲首，俱聽勃列西領調遣，又三人會合副勃列西領，爲加彌業，掌國中印信，法律章程，官府文檄，及他國來往文書照票，兼理巴鼎荷非士，存貯文案，凡加彌業總理鄰國相交之事，內分五等，曰勃羅麻的

模里敖曰哀蘇拉模里敖曰龕模里敖曰阿支付士曰
巴鼎荷非士各執其事

其賦稅設立西格里達里荷非士哀多羅拉二人敖底
多五人里尼士達特列沙那疏里西多等官專司征收
支發歲報其數於哀額里士衙門以候稽核其武事額
設里貴西循模里敖官芒地蘭模里敖官兵餉官管理
因底阿士人事務官督理火器官繪圖丈量地畝官其
總兵曰仁尼臘爾因智甫官統轄官兵分東西二路東
路總兵統轄緬地紐舍社馬沙朱碩斯注門哀特底格

律愛倫紐育紐惹西地那洼馬里蘭洼治尼阿南戈羅
里北戈羅里佛羅里達賓西爾洼尼阿若治阿根特機
地尼栖阿希阿彌治顏等二十部之兵西路總兵統轄
阿拉麻馬彌斯西比雷西阿那阿干薩士因地阿那伊
里內士彌梭里威士哀申達多里等十一部之兵國中
節齋養兵甚少設馬約仁尼那爾官一員墨里牙底阿
士仁尼那爾官三員戈羅尼爾官十九員副戈羅尼爾
官十五員馬約官二十八員急頓官百有四十員領馬
兵兩隊礮兵四隊步兵七隊以及製造火器兵器繪圖

工匠統計僅戰兵七千有六百名每年支發兵餉銀九十八萬八千三百七員津貼兵丁銀四十九萬五千五百員每兵歲餉銀將二百員兵少餉厚故訓練精強又製造軍裝器械銀三十三萬員存貯軍器庫銀二十三萬一千五百員瓜達麻士達底入門銀三十三萬二千員國中防守地方汛兵銀一百三十萬員各處防守礮臺兵銀二十萬員此守兵在戰兵之外共計戰守兵餉及修理器械共需銀三百八十七萬七千三百一十七員

千七百九十八年嘉慶三年設立管理水師書記衙門千八

百十五年嘉慶十年始立管領水師官兵船不甚多而與

英吉利交戰三年地險心齊水戰練習其名遂著原設

大兵船十五隻中兵船二十五隻小兵船二十三隻火

煙輪兵船一隻近年因船不敷用增修兵船復設船廠

七雕刻廠二所歷年支發水師銀二百三十一萬八千

員修船銀百有六萬五千員津貼銀七十八萬二千員

修船廠銀七十九萬八千一百二十五員水上費用銀

四十三萬八千七百四十九員巡察南極費用銀三十

萬員共需銀五百九十萬有奇

波斯麻達仁尼臘爾衙門掌理國中水陸郵程遞報之事計遞報道路約十一萬二千七百七十四里每年往來路程約二千五百八十六萬九千四百八十六里各處信驛計萬有七百七十所歷年往來驛費銀二百七十五萬七千三百五十員歷年約收信價銀二百九十九萬三千五百五十六員綜計出入有盈無絀

國中原在非臘特爾非阿設鑄金銀局一所千八百三十五年道光十五年復在紐哈蘭北戈羅里若治阿三部落

各增設一所派官監鑄其爐竈器具機竅皆以火煙激動不煩人力計每年傾鑄金錢值銀二百十八萬六千一百七十五員銀錢三百四十四萬四千零三員銅錢值銀三萬九千四百八十九員統值銀五百六十七萬員

各部落自立小總領一人管理部落之事每部落一議事公所其官亦分二等一曰西業一曰里勃里先特底甫卽由本部落各擇一人自理其本部之事小事各設條例因地制宜大事則必遵國中律例如增減稅餉招

集兵馬建造戰船開設鑄局與他部落尋衅立約等事均不得擅專所舉執事之人數月一更代如分管武事設立章程給發牌照開設銀店貿易工作教門賑濟貧窮以及設立天文館地理館博物館義學館修整道路橋梁疏濬河道皆官司其事其法律大都宗歐羅巴之律刪改而成征收錢糧稅餉通酌國中經費出入公議定額不得多取

國中錢糧稅餉惟創業開國軍旅時興入不敷出遂致虧欠民項為數不貲千七百八十三年乾隆四十八年欠項僅

四千二百萬員千七百九十三年即多至八千有三十五萬二千員官府歷年籌補止餘四千五百萬員于八

百一十三年嘉慶十八年因與英吉利交兵三年即欠至萬

二千七百三十三萬四千九百三十三員迨至千八百

一十六年嘉慶二十一年兵戈寢定二十年來統計所還子母

共二萬一千二百萬員當開國之初輕稅薄斂原可足

用自與英國攻戰供億浩繁及向佛蘭西贖回雷西阿

那佛羅里達兩部落所費亦不輕於千七百九十八年

嘉慶二年及千八百一十三四五等年始加征戶口田地房

產奴僕等項錢糧每年或加一百七十五萬或二百萬
 或三百萬多少不等千八百十六年嘉慶二十一年停止加征
 惟征收入口貨物稅餉視貿易之盛衰為多寡按千八
 百十六年所征稅餉多至三千六百三十萬有奇自此
 以後十年即僅收千三百萬以至二千萬員不等千八
 百二十五年至千八百三十四年道光五年至自二千
 萬至三千萬員不等近年日見減少此外尚有出賣官
 地一項其田地散在各部落即先日價買佛蘭西及因
 底阿土人田地逐一丈量畫分當隲當隲村庄也每當隲計

三十六色循每色循計六十四埃加埃加一畝也除畱出學
 校道路河道基址千六百有四萬零二千四埃加外餘
 俱由勃列西領出示招買初定每埃加價值二員先交
 半價餘半期年交訖嗣因欠價不繳者二千二百萬員
 旋議減價每埃加定價一員零先士二十五枚不得賒
 欠自後每年賣出田土價值少則百餘萬員多則六百
 萬員有奇在千八百三十五年道光十五年所得賣價多至
 千二百萬員截至是年為止計阿希阿丈出田土千四
 百七十萬零三千一百六十三埃加已賣者千有六十

萬二千六百七十一埃加，得田價千有九百四十八萬九千九百三十二員。因底阿那，丈出田土千有八百九十九萬零四百四十七埃加，已賣者八百三十九萬零八百三十九埃加，得田價千有八十一萬零百七十二員。依里內士，丈出田土二千一百五十七萬四千四百五十九埃加，已賣者四百三十四萬零四百八十一埃加，得田價五百五十五萬五千四百八十七員。阿那麻馬，丈出田土二千九百九十一萬五千零八十八埃加，已賣者七百三十二萬九千零三十埃加，得田價一千

三百零萬七千一百一十五員。彌斯西北，丈出田土千有七百五十二萬五千八百二十埃加，已賣者五千六百萬零一千五百一十七埃加，得田價七百八十二萬二千九百八十七員。雷西阿那，丈出田土六百四十五萬零九百四十二埃加，已賣者七十六萬七千四百一十五埃加，得田價百有十六萬二千五百九十一員。彌治顏湖東，丈出田土千有二百二十一萬一千五百一十九埃加，已賣者三百二十萬零七千八百二十二埃加，得田價四百零七萬二千三百九十四員。彌治顏湖

海國圖志 卷之十一
西文出田土四百六十七萬四千六百九十一埃加已
賣者十四萬九千七百五十五埃加得田價二十一萬
五千一百八十九員阿千薩士丈出田土千有三百八
十九萬一千五百三十八埃加已賣者六十六萬八千
三百六十二埃加得田價八十六萬一千八百一十六
員佛羅里達丈出田土六百八十六萬七千一百三十
埃加已賣者四十九萬二千九百零九埃加得田價六
十五萬七千零九十二員統計已賣田土四千五百四
十九萬九千六百二十一埃加未賣者萬有二千一百

三十九萬七千四百六十三埃加別有曠野荒郊田土
七萬七千萬埃加已丈過萬有二千二百三十萬埃加
計賣出田價共六千七百八十二萬零八十五員除辦
理因底阿土人事務需銀千有七百五十四萬一千五
百六十員買雷西阿那部落需銀二千三百五十二萬
九千三百五十三員羅佛羅里達部落需銀六百四十
八萬九千七百六十九員還若治阿部落銀一百二十
五萬員贖彌斯西北部落銀店需銀一百八十三萬二
千三百七十五員地方官需銀三百三十六萬七千九

百五十一員丈量地畝需銀七十八萬六千六百一十七員總共需銀五千八百四十三萬八千八百二十四員綜計出入有盈無絀

彌利堅國歷年出納款項自千七百九十一年乾隆五十六年

開國起至千八百三十二年道光十年征收稅餉銀五萬

九千四百九十萬零九千零六十七員田土賦稅銀二

千二百二十三萬五千二百六十員人丁錢糧千二百

七十三萬六千八百八十八員遞寄郵信銀百有九萬

一千二百二十三員公眾田土價銀四千零六十二萬

七千二百五十員債銀及庫中所出銀單等項銀萬有五千六百一十八萬一千五百七十八員銀店股分利息及出銀店股分銀千有一百零五萬二千五百零六員雜項銀六百四十二萬八千八百九十二員

歷年支銀文事需銀三千七百一十五萬八千零四十

七員鄰國往來相交事件需銀二千四百十四萬三千

五百八十二員雜款需銀三千二百十九萬四千七百

零三員修整礮臺銀萬有九千零五十二萬八千六百

四十三員歷次兵餉需銀千有七百二十九萬八千二

百八十二員別款兵餉需銀六百七十一萬零三百零七員辦理因底阿土人事件需銀千有三百四十一萬三千一百八十八員設立水師兵船等項需銀萬有一千二百七十萬零三千九百三十三員歸還軍需借項本利銀四千八百九萬員統計征收銀八萬四千五百二十六萬二千六百六十八員除支發銀八萬四千二百二十五萬零八百九十員仍存貯國庫銀三百零一萬一千七百七十八員

千八百三十三年

道光十三年

所征各款錢糧稅餉除支發

兵丁銀二百四十三萬五千四百零三員行營口糧銀三百五十萬零七千四百八十四員修造軍器修補武備庫共銀五十三萬零九百五十一員修建礮臺銀九十六萬一千四百八十員修築堤工銀四十三萬五千七百六十一員濬河銀二十四萬員建築習武館銀十一萬七千一百六十六員辦理因底阿土人事件銀百有九十一萬二千五百八十一員水師兵船等項銀三百九十萬一千三百五十六員還虧欠銀百有五十四萬三千五百四十三員修道路橋梁銀六十五萬五千

四百八十六員立法各官公費銀四十六萬九千零七十四員各路辦事公費銀六十五萬八千六百零八員審訊衙門支發銀三十三萬八千七百五十八員修造路燈銀三十一萬三千九百三十員修造稅館棧房零銀二十五萬零四百一十五員丈量海岸銀萬八千五百一十三員注治尼阿疏濬運河銀二十八萬九千五百七十六員與他國交往貿易事務銀九十五萬五千三百九十六員共計千有九百五十三萬五千六百八十一員尚有盈餘銀八百六十九萬一千一百員連歷

年盈餘貯庫共銀千有百七十萬零二千九百零五員千八百三十四年道光十四年征收稅餉銀千有六百二十一萬四千九百五十七員地租銀四百八十五萬七千六百員銀店息銀二十三萬四千三百四十員出賣銀店銀三十五萬二千三百員雜稅銀十三萬二千七百二十八員支發文事雜項銀八百四十萬零四千七百二十九員武事需銀三百九十五萬六千二百六十員還國家虧欠銀六百一十七萬六千二百六十員共計征收銀二千一百七十九萬一千九百八十二員核計

本年虧欠銀二百八十一萬零四十七員，在於盈餘庫項支銷外，尚有餘銀八百八十九萬二千八百五十八員，存貯國庫。

千八百三十五年

道光十五年

征收各款錢糧稅餉銀千有

八百四十三萬零八百八十一員，除支發各項銀千有九百二十七萬六千一百四十一員，盈餘銀九百一十五萬四千七百四十員，共歷年盈餘貯庫銀千有八百四萬七千五百九十八員。

疆域東界阿蘭底海，西界卑西溢海，墨西果國南界墨

西果國之墨西根海，北界英吉利俄羅斯所屬地，幅員二百三十萬方里，以周圍邊界程途計之，徑一萬里內濱海岸者三千六百里，濱湖岸者一千二百里，自卑西溢海至阿蘭底海，東西距二千五百里，除國中各部落之外，西隅尚有地百三十萬方里，未盡開闢，地勢內遼闊，外險阻，故雖英吉利兵亦不能再窺伺。山陵最著者在洼申頓，有阿巴臘止菴山，又名阿里牙尼山，高峯僅二百四十丈，而迤長表延，通數部落之遠，在北哥羅里有墨力山，其最高峯亦不過五百一十四

丈有奇，在國之西隅有落機山，峯高九百六十丈，此外山多未能悉載。

川澤分歧，難以悉數，其最長者曰彌梭里河，自落機大山發源至雷西阿那出海，長四千五百里，其次彌斯西比河，自威士哀申部落發源至雷西阿那出海，長三千有百六十里，兩河往來舟楫最盛，此外蘇比厘阿湖，休倫湖，安達里阿湖，均處邊界，惟彌治顏湖，居于腹地，南北距三百六十里，東西距八十里，水深七十二丈，有彌支里墨機納港，可通休倫湖。

國中地廣人希，以近年生聚計之，自開國迄今，僅數百載，蕃庶數倍，在千七百九十年間，乾隆五十五年戶僅三百九

十二萬九千八百二十七口，及千八百三十年，道光十年計

白男五百三十五萬三千零九十二人，九十歲以上至

百歲者二千有四十一人，百歲以上三百有一人，白女

五百十六萬八千五百三十二人，九十歲以上至百歲

者二千五百二十三人，百歲以上者二百三十八人，黑

男十五萬三千一百八十四人，百歲以上者二百六十

九人，黑女十六萬五千七百六十人，百歲以上者三百

八十六人，奴僕百有萬二千零七十五人，百歲以上者七百四十八人，奴婢九十九萬五千五百四十四人，百歲以上者六百七十六人，白瞎人三千九百七十四名，黑瞎人千四百七十人，白聾啞人五千三百六十三名，黑聾啞人七百四十三名，統共千有二百八十六萬六千九百十九人，卽丁口之衍蕃，徵國勢之熾盛，果能永遠僂力同心，益富且庶，雖歐羅巴強盛各邦，未之或先。國人多由外域遷至，如居賓西爾、洼尼阿者，皆由耶麻尼言語近始更變，居雷西阿那、梭里、依里內士、彌治顏

等處者，皆佛蘭西國之人，居阿希阿、因第阿那者，皆瑞國與耶麻尼之人，尼紐育者，皆荷蘭國人，種類各別，品性自殊，因地制宜，教隨人便，故能聯合眾志，自成一國，且各處其鄉氣類尤易親睦也。傳聞大呂宋開墾南彌利堅之初，野則荒蕪，彌望無人，山則深林，莫知曠處，攘剔啓辟，始破天荒，數百年來，育奈士迭，遽成富強之國，足見國家之勃起，全由部民之勤奮，故雖不立國王，僅設總領，而國政操之輿論，所言必施行，有害必上聞，事簡政速，令行禁止，與賢辟所治無異，此又變封建郡縣

官家之局而自成世界者

國中黑人居六分之一其中亦有似黑非黑似白非白者種已夾雜難辨涇渭各部落中不准黑人預政事有數部落准其一體公舉其律例內載賓西爾洼尼阿紐育部落之人皆得自主惟黑奴子孫分屬下等凡事不得擅專至千七百九十八年^{嘉慶三年}禁止買賣奴僕即逃走亦不准收回嗣西北之洼洽尼阿彌斯西北各部亦禁攜奴僕進口自此興販少息惟南隅產棉之部落尚有使用奴僕者凡奴僕之例重罪始經官治小過家主

自治不得私置產業學習文字往廟拜神必須白人帶引若因底阿之待僕人則又不然遇禮拜日每奴散穀十八棒至二十四棒薯六十四棒並酌給魚肉冬夏布衣下及奴之子女又每二年人給洋氈幼小者二人共得一氈疾病設有醫藥過其境見其僕皆工作不輟嘯歌自得如逢禮拜概停力作其工役三日一派能并日完畢者所餘之日或得自作己業遊戲無禁其恩卹奴僕爲諸部所未有

風俗教門各從所好大抵波羅特士頓居多設有濟貧

館育孤館醫館瘋顛館等類又各設義學館以教文學地理算法除普魯社一國外恐無似其文教者其官地畝以供經費復有國人捐貲津貼千八百二十四年道光十四年在紐育所屬各小部義館讀書者共五十四萬有千餘人歲支修脯七十三萬二千員如紐惹西賓西爾洼尼阿阿希阿馬里蘭洼治尼阿南戈羅里鼎尼西根特機等處部落亦皆捐設學館造就人材又設授醫館二十三所法律館九所經典館三十七所教人行醫通曉律法博覽經典通各國音語近計非臘特爾非阿藏

書四萬二千卷甘墨力治藏書四萬卷摩士頓藏書三萬卷紐育藏書二萬二千卷哀額里士署內藏書二萬卷邇來又增學習智識考察地里之館重刊歐羅巴書籍人材輩出往往奇異

技藝工作最精造火輪船即紡織棉布製造呢羽器具均用火烟激機運動不資人力他國雖有皆不能及寫繪丹青亦多精巧如急里委士士都空紐頓阿爾士頓里士里諸人皆以妙手名

地膏腴豐物產千八百三十四年道光十四年海產之乾魚

海國圖志 卷之二
醃魚魚油魚骨等物約值銀二百有七萬零千四百九十三員山產皮毛洋參木板船桅木樹皮木料松香等物約值銀四百四十五萬七千九百七十七員田地家宅所出之牛羊馬猪麥麩乾餅薯穀米租麥蘋菓煙葉棉花豆糖洋靛等類約值銀六千七百三十八萬零七百八十七員工作所造香靛蠟燭皮鞋洋蠟酒鼻煙捲葉煙鉛錫器繩索桅纜鐵器火藥糖銅器藥材布疋棉紗夏布怡雨傘牛皮麋皮馬車馬鞍水車樂器書籍圖畫油漆紙札筆墨釘瓦玻璃洋鐵石板金器銀器金

葉金錢銀錢木箱磚灰鹽等類約值銀六百六十四萬八千三百九十三員

國中進口貨物茶葉架非豆紅糖椰子杏仁乾菩提子無花菓胡椒香料桂皮荳蔻米酒冰糖燈油絲髮疋頭金線等類其各國所出棉布夏布皮毛染料顏色銅鐵金銀器皿紙札書籍販運進口者交易之大以英吉利為最次佛蘭西再次即彌利堅本國及海南之姑蘇島彌利堅西南之墨西哥國若中國又其次也此外通商之國如俄羅斯普魯社綏林領墨彌爾尼王荷蘭大呂宋依達里耶

麻尼散迭里紐方蘭在彌利堅東北屬英黑底在彌利堅之南
屬佛蘭西所轄之大海島小呂宋葡萄牙阿非里加洲各海島都魯
 機果攬彌阿墨臘西爾芝利庇魯等處其餘小國來貿易者不計其數以千八百三十四年道光十四年計之英吉利進彌利堅口岸貨物約值四千五百五十六萬六千有奇出口貨物約值四千一百六十四萬八千四百二十員中國茶葉進口者約計六百二十一萬三千八百三十五員在國內銷流者居六分之一此外尚有絲髮等項百六十七萬八千四百九十二員共計值銀七百

八十九萬二千三百二十七員由本國出口運赴中國貨物計值銀不過百萬零四百八十三員其餘各國進口貨物多寡不一統計貨值萬四千九百八十九萬五千七百四十二員千八百三十五年道光十五年各國進口貨物共計銀萬二千六百五十二萬一千三百三十二員出口運往各國貨物共計銀萬有四百三十三萬九千九百七十三員千八百三十五年道光十五年通國銀鋪五百有三家貲本大小不等其最鉅者三千有五十萬九千四百五十員小者亦有十餘萬員統計銀鋪貲本

共萬有八千一百八十二萬九千二百八十九員，國中運河長三千五百里，疏濬二十年始竣，其不通河道者，即用火煙車陸運貨物，一點鐘可行二三十里，其車路皆穿鑿山嶺，砌成坦途，迄今尙未完竣，如值天寒，河凍亦用火煙車駛行冰面，雖不及舟楫，而究省人力，因底阿土人種類蕃多，屢因爭戰，被戮大半，惟彌斯西比之東有因底阿土人八萬，西有因底阿土人十八萬，餘俱散處各部中間，自成村落，下窟上巢，有同鳥獸，疾則倩師巫歌跳，刺血誦咒，間用草木作藥餌，信鬼好鬪。

行陣則佩符咒，獷者食人，尤嗜犬肉，其頭目服牛皮飾以羽毛，頸懸熊爪，履白皮，握羽扇，受傷則頭插紅漆木籤九枝，以彰勞績，散處各部不受約，東近漸導以教化，招徠其黨，給以房屋，耕織器具，并設岡色爾官治之，各立界限，不得踰越，創書館廟宇，歲提庫銀萬員，公捐銀四萬員，延師教課，千八百三十五年道光十五年在館肄業之童蒙已千五百矣，彌斯西北彌梭里平地中多有高隴，形似圍牆，高自數忽以至三四十忽不等，每忽八寸寬二三十埃加，埃加畝也內多土堆，參差不一，粗沙亂石，或方或

圓，或作數角，諸史並無紀載，有謂因底阿人所造之墳塋，第土蠻何解造作，或謂洪水泛濫，波浪激成者，近是。

補輯

萬國地理全圖集曰：花旗國，一曰兼攝邦國，因船插星旗，廣東人謂之花旗，亦稱之曰米利堅，皆指一國也。南及默西可海隅，北連英藩屬，東及大西洋，西至大洋海，北極出自二十五度至四十度，偏西自七十度至百有餘度，表延圓方三百萬方里，其山在西方，一帶峰嶺，餘地大半平坦，其最長之江，名曰米西悉江，北流九千九

百里者，而接米斯利大河，兩水合而南流入海也。通舟之長河，如瓦八地尼士河、乾撒河、亞加那河、紅河等，又造鐵轆轤之路，火輪之車，以便陸地轉運，每一時行百八十里，水路則火輪船前後梭織，故其江河帆楫奔馳不絕，如街衢無異。山出石炭、鹽鐵、白鉛、金銀，其林內有野牛及熊，其西方有海驃、狐狸等獸，又出五穀、蔬菜，可謂隆盛之邦。惟其東方耕種大闢，而西方尚土曠人稀，每年土民自西移東者，千百計也。明萬曆年間，英國船初到時，荒蕪稠林，天氣凍冷，兼以土人暴行，遍處剽殺。

而英民歷艱難披荆棘百苦備嘗堅據其地而攻其敵於明萬曆三十六年英國主驅逐加特力教其民尋地涉海而抵亞默利加賴上帝之恩庥始困終亨土民讓地相給人戶日增遂分其國爲列邦二百餘年英國欲加收稅餉其國公會之紳士不從兩國相爭較論長短遇有商船載茶葉進口居民並起投其茶箱于海彼此怒憤結仇與英兵交戰並結援佛蘭西是班牙荷蘭等國爲助齊心攻英乾隆四十七年英國議和於是花旗自立新國不立國王公擇元首凡事會議而後行四年

後則退職又公擇忠臣良士二位以爲都城公會之官供職六年而退設律例規矩募勇征餉與列郡邦結爲唇齒緣此稱曰兼攝邦國國庫每年所收銀四千萬員以下於道光十七年其國補還軍費毫無欠項文官俸祿四百七十六萬員水師四百五十七萬員三軍四百三十萬員雜費三百八十萬員土費千三百萬員其三軍上下一萬丁其水師武備甚善屢與英國交鋒獲勝其鄉勇十萬有餘各地舉壯丁當差國民經營希利算悉錙銖亦多懷普濟之意崇奉世主耶穌之教捨身捐

財以招教師，頒文勸世，雖別國各開新地，而英民居其大半，是以語音文字規矩，與英無異。出棉花五穀，造雜項布疋，通商最廣。道光十七年，所運進之貨，共計銀萬四千萬員，所運出者，萬一千七百萬員，居民千四百萬丁。二十年前，尚止九百六十萬，迅速增益，而各西列國之人，尙雲集不已。所有土民，分給田土，安居樂業，最好進學，遍開序庠，以習法術、武藝、文學。其列邦共計二十四部，所有最大之城邑，一曰破土敦城，在馬撒主悉邦之都會。此地雖瘠，而居民營造勤奮，共計千七百萬丁。

通商萬國，此城係大馬頭，四方所萃，文風甚盛，爲全國之冠。一曰新約城，乃國中最廣大之美邑，居民二十七萬丁，每年進船千五百隻，進貨價銀三千八百萬員，出價銀二千三百萬員，居民靈利溫和。二曰兄弟愛城，在品林邦，昔時土人讓給英國，而收租值，因始終忠信守約，是以土人終不侵伐，待如遠客。其城亦係馬頭街市，正直，其居民勤勞積財，運出之石炭鐵血布疋，共計三百八十四萬員，運進貨物一千一百六十八萬員。一曰巴里特摩城，在南地馬頭，居民不辭險阻，多出麥粉，造

建快船，駛航如飛。一曰威額耳那城，乃初時開懇之地。人最聰明，國內忠臣襄政事者，皆出是邦。產煙及粟米。洼申頓國都，以其始創國之人得名也。其南方之三邦，卽南北甲羅里那，以及熱可加，乃出棉花之地。此地惟黑奴務農，其白面之人，廢時遊蕩，食烟飲酒，戀聲色而已焉。其西南之半地，曰縛利他城，內地尚有土人據之。與白族交戰，連年未息。西南方馬頭，曰新阿耳蘭，在大江口，居民七萬，通商最大。運進之貨，每年價銀千四百萬員，運出者三千五百萬員。此城周繞澤瀾，氛瘴晦冥。

夏時民多染病，其西方之邦，尙新開地，乃最先游獵之人。至此招集農夫，墾種曠野，數十年而城邑鄉里田疇，並同內地。但有四萬土人居此，爲自主之邦。國家買其田，而按例收其價。土人遂讓之，而白面之類，爲其地主也。此外西北各地，皆英、吉、利、俄、羅斯各商占據，捕野獸用其皮，其中海虎等皮最貴，大半銷賣於廣東。土民身短而貧，人戶甚罕。原無今補

每月統紀傳曰：北亞米利加，兼攝列邦，遼闊共有二十六部，又別有邊地四部，共廣二百四十萬正方里。大清

海國圖志卷之二
國共三百八十六萬正方里，乾隆五十四年，米利加國三百九十二萬丁，嘉慶四年，五百三十萬丁，嘉慶十四年，七百二十三萬丁，嘉慶二十四年，九百六十三萬丁，道光十年，一千二百八十五萬丁，由是觀之，其人煙稠密，戶口繁滋，年增月累，設連年如此，加益數百年後，其民繁多，過今大國也。其國城共二百八十九，康熙四十年，所產之物，賣與外國，共價銀一百五十萬圓，乾隆五十四年，二千萬圓，嘉慶四年，七千九百萬圓，嘉慶二十二年，九千三百二十八萬圓，道光五年，九千九百五十

三萬圓，道光十年，七千三百八十四萬圓，道光十一年，八千一百三十一萬圓，進口貨價，自康熙四十年，共銀一百七十萬圓，乾隆三十四年，九百四十萬圓，道光元年，六千二百五十八萬圓，道光七年，七千四百四十九萬圓，道光十一年，一萬三百一十九萬圓，每年產物及製造貨件，共銀一萬五千萬圓，可觀其國豐盛矣。其國帑出入，乾隆五十五年，入一千二十一萬圓，出銀七百二十萬圓，嘉慶十四年，入一千四百四十三萬圓，出一千三百六十萬圓，道光九年，入二千四百七十六萬圓

出銀二千五百七萬圓，道光十年入二千四百八十四萬圓，出銀二千四百五十八萬圓，故此輸用出入皆制有餘。道光九年國帑項內尚存銀五百六十六萬，乾隆五十四年拖欠銀七千五百一十六萬九千九百七十四圓，今已償清，可用其餘墾荒地，開運河，保障封疆，計國中弁兵共萬二千丁，壯民百二十六萬丁，巨戰艦十二隻，中兵船十七隻，小兵船十六隻，小舟七隻。原無今補海錄：咩里千國在英吉利西，由散爹里西少北行，約二月，由英吉利西行，約旬日可到，亦海中孤島也。疆域稍

狹，原為英吉利所分封，今自為一國，風俗與英吉利同。

即來廣東之花旗也。

案咩里千即彌利堅之音轉，故言即廣東之花旗，然以洲言則其地

數萬里，豈得謂之孤島，以國言則二十七部落，富強為英夷勁敵，豈得謂之疆域稍狹，蓋謝清高但至歐羅巴洲，未至彌利堅洲，故傳聞不確不詳。土產金銀銅鐵鉛錫白鐵玻璃沙藤

洋參鼻煙牙蘭米洋酒哆囉絨羽紗嗶嘰，其國出入多用火船，船內外俱用輪軸，中置火盆，火盛沖輪，輪轉撥水，無煩人力，而船行自駛，其製巧妙，莫可得窺。小西洋諸國近多效之。原無今補

--	--	--	--	--	--	--	--	--	--	--	--	--	--	--	--	--	--	--	--	--

海國圖志卷六十一

外大西洋

邵陽魏源輯

彌利堅國總記下

育奈士迭者華言總理部落非地名也夷圖及貿易通志謂之兼攝邦國又曰聯邦國其船旗方幅紅白相閒右角別作一小方黑色上以白點繪北斗形故名之曰花旗南懷仁所云大銅人卽此之落哀倫島也蓋其地工作有高千餘丈者云

地球圖說合眾國又名彌利堅又名花旗國東界大西

洋南界麥西可海，西界麥西可國，并大東洋，北界英屬國，百姓約有二千萬之數，都城地名瓦升敦，部分三十，每部各立一賢士，以爲總統，各總統公舉一極正至公之賢士，總攝三十部之全政，名伯理師天德，又各部總統，或一年，或二年爲一任，惟總攝國政者，四年爲一任，按期退職，公舉迭更，每歲俸銀二萬五千員，七分耶穌教，三分天主教，國內編設大小書院，不計其數，國之男女，無不能書算者，其衣服制度，言語禮款，與英吉利國無異，所習之業，士農工商，又有捕鯨魚等藝，多在西北

等處，國內運載貨物，陸則有大車小車，藉馬力以行走，又有火輪車，中可住千人，一時能行百八十里，故國內多造鐵軌之路，在水則有火輪船，往來紛紜，較他國更繁盛，又有多船，不用火輪，而用馬牽，亦穩而且利，則內地小河所用也。

國內有至大之城三，卽牛亞爾葛城，撲斯登城，非拉達亞城是也，至大之江三，卽米西悉比江，米蘇利江，可倫比江是也，江雖列三處，而其內支分不少，西方有高山，相聯不間，土地大半平坦，道光二十七年，與麥西可國

海國圖志 卷之二
二
兩相決戰，至二十八年盟約和好矣。土產：蘇花布、呢、麥、米、煙、白、糖、菜、穀、金、銀、鉛、鐵、煤、炭、油、木、料，并一切造作之器。熊、狼、虎、野、貓、鹿、狐狸、水獺、海虎、海獺皮物。至于野馬、野牛，不勝其數。

地里備考曰：育奈士迭國，華言合眾國也。卽所稱花旗。又曰：彌利堅，在亞美利加州北區之中，北極出地二十五度起，至五十二度止。經線自西七十度起，至一百二十七度止。東枕亞德蘭的海，西界大海。暨美詩哥國，南連美詩哥國海灣，北接新北勒達尼，長約一萬里，寬約

四千八百五十里。地面積方三百一十六萬里。烟戶一京七兆餘口。平原廣闊，岡陵延袤，山勢峻峭。其亞巴拉士山爲東山之首，在亞德蘭的海濱，跨越諸地。羅說索山爲西方之冠，兆江源大半出此河之長者曰米西西比。曰米蘇利。曰哥隆比亞。曰亞巴拉濟哥刺。曰麼比勒。曰德拉瓦勒。湖之大者曰蘇卑里約爾。曰呼倫。曰米濟安。曰厄列。曰安達里約。曰章巴拉音。地氣互異，各有不同。冷熱西南爲甚。田土參差不一。物產西南爲最。穀果繁衍，人多務農。土產五金、煤、礬、烟、麻、蘇花、香料、藥材。

海國圖志卷之十一
不設君位國人各立官長理事班次首領正副權理國
政四載一舉周而復轉所奉之教乃修教也其餘各教
任人尊奉概不禁止技藝精良商賈輻輳原本國昔爲
英吉利國兼攝之地乾隆四十年國人自立驅逐英吉
利官別爲一國英吉利國與戰越八載不克乃聽其自
立不復統屬嘉慶十七年本國復與英吉利國交兵越
三載始息通國分二十六部曰賣內曰新杭晒勒曰委
爾蒙曰馬薩朱塞曰羅德島曰哥內的古曰新約爾克
曰新日爾塞曰奔西瓦尼曰德拉桑曰馬黎郎曰委爾

濟尼曰北加洛森曰南加洛森曰惹爾里亞曰阿拉巴
麻曰米西比曰盧宜西安曰音的亞那曰意黎乃曰迷
蘇利曰德內西曰根都基曰可宜約曰迷詩安曰阿爾
千薩都城名瓦盛敦建于波多麻哥河岸街衢寬闊其
直如矢園亭花榭景色幽佳匠肆林立遠方輻輳爲本
州富麗第一其國通商衝繁之地一名新約爾克一名
非拉德亞一名波斯敦一名巴爾麼一名新爾良一名
札爾勒斯敦皆沿海大埠也

外國史略曰彌利堅國南及麥西哥海隅北連英藩屬

海國圖志卷之二十一
地東及大西洋海及大東海廣袤方員四萬二千三十里濱海地一千二百里濱湖地四百里北極出地自三十二度及五十四度四十分明朝中間地尙荒蕪居民亦罕住林內以獵爲生不知開墾然今日掘出墳墓似是古時廣大之城邑或係日本高麗曾到之地無從考究今則爲西國之大市民數少而種類多語音不一風俗迥異時結仇交戰自明朝時是班亞開創此州之後英國亦到此地欲開埠未果萬曆十二年後英民復至不得食物又遭土民之難或受是班亞之害或染烟瘴

以斃皆怨而反會英國有奉天主教之民爲國中官吏所迫航海西駛逃于此地自設公班衙招氓開墾獲利英國亦以其地封五爵各據荒地荷蘭瑞丁等國亦時調其民在海邊開港皆不久而服英吉利別有佛蘭西氓所據之地久亦歸英於是英人日繁增土人遠避山林其良善者漸向教化復立議事之公會有事則調遣其丁壯日久其民益操自主敢作敢爲不聽英國之命英人欲增餉稅民拒不納由此肇衅乾隆三十一年英官在各港口征餉居民寧將茶葉盡投于海不願納稅

海國圖志 卷之十一
三
英國亦封港口，且調兵前往，其氓復公議，寧死不受苛束，遂糾合部眾，立才能之瓦昇屯為將軍，與英兵拒戰，兼赴懇于各國，于是佛蘭西、是班亞、荷蘭等國，合盟助之，英人不能敵。於乾隆四十六年，議聽其自為一國，不受英人節制，遂號為育奈士迭國。自是與英人彼此相安，花旗軍深入麥西哥地，麥民力守，終不肯降，後事尙未定也。○國內山嶺分三段，一係東方，一係山外之西方，一係米西悉北等谷地，本荒蕪，廣袤十一萬三千八百方里，其東方地約三千里，沿河多港口，地方蕃盛，沿

河各谷，可開六萬四千萬畝，居民五百五十萬口，其西地多磽澠，海地愈肥，民愈罕，西南牧場遠闊，其湖在英吉利花旗交界，稱為上湖，有熱阿耳義湖、胡倫湖，以利雲他利湖，皆廣如海，入大西洋海之江，曰本孫江，長七十一里，破他馬江，一百三十六里，撒瓦那江，一百五十里，亞拉馬他哈江，一百里，熟貴漢那江，一百里，入麥西海隅之河，曰米西悉比河，六百六十里，米蘇利河，六百二十里，阿希阿河，三百里，押子薩河，四百七十里，紅河，三百三十里，地匿士河，百四十里，可倫比河，長二百三

十里俱入大東海江河甚多通商甚便火輪船往來不絕北方出縣花煙穀薯等物各國產物並製造者鐵條價銀約二千零四萬員鉛石價銀約五十二萬九千員石炭價銀一百八十六萬員石鹽價銀六百六十九萬員各項玉石價三百六十九萬員所畜牲馬四百三十三萬隻牛千四百九十七萬隻絲羊千九百三十一萬隻豕二千六百三十萬隻鷄鴨鵝價值九百三十四萬員五穀煙薯麻綿花羊毛蠟白糖蠶絲乳奶餅油等價三千三百七十八萬員果子價七百二十五萬員每年

所製造物值二千九百萬員園蔬菜花等二百九十四萬員乾魚醃魚魚油鯨骨等貨一百二十五萬員捕魚銀一千六百四十二萬員木料價一千二百萬員巴馬油等貨六十一萬員皮貨一百零六萬員人參等貨價五十二萬員刀劍各鐵器價六百四十五萬員金銀寶物四百七十三萬員鉛錫鐵等各項九百七十一萬員羽毛呢二千六十九萬員布匹四千六百三十五萬員雜物六百五十四萬員插花旗進本地之船共七千七百三十五隻外國載貨入港口四千五百四十八隻花

旗所運進之貨值一萬一千三百萬員外國船所運進
一千四百七十二萬員是年所出之船七千七百九十
隻外國船出口四千五百五十四隻花旗船運出之貨
價八千零二十五萬員外國船運出價二千三百萬員
本國納稅一千四百四十八萬員各湖往來之花旗船
與英人公共船隻值一百六十六萬員可見其勤奮興
旺惟其商人銀局失信故外國人無敢賒賣之也○居
民一千七百零八萬六十六口白面男人七百二十四
萬九千女六百九十三萬九千口黑面人三十八萬六

千口黑面奴二百四十八萬七千口白面人務農三百
七十一萬七千口貿易者十一萬七千口製造匠七十
九萬一千口航海水手五萬六千人運內河之人三萬
三千人醫生教師等六萬五千人術藝之士共一萬六
千二百三十三人男女學生一百八十四萬五千人康
熙三十九年所有居民共計二十六萬口道光十年卽
至千二百八十六萬口大半係英國日耳曼人其國爵
無尊賤定分但人有才能善積財則貴耳其民崇拜上
帝多立禮拜堂善經營道光十五年掘運河費九千九

海國圖志 卷之十一
百萬員以鐵造平路亦費四千六百萬員多識字讀書亦廣印書居民善開墾凡歐羅巴各國民有缺乏即遷居花旗國如有受害者亦遷此地故開闢愈廣其國律例合民意則設否則廢之每三年庶民擇一長領統管各部每年俸二萬五千員長領外復設戶兵刑水師驛務諸部大官俸各六千員立兩會一曰尊會即長領並大官辦重務一曰民會論民人所獻之議所稟求之事每四萬人擇一人各國皆同其水師大戰艦十二隻載炮七八十及一百二十門其次載四十四炮三十六炮

又其次或載十六炮至十炮以下又火輪船五隻躉船五隻軍士六千丁防禦各境各部自募民壯歲收餉五千六百萬員公費約五千三百萬員銀局未清理陸續破敗者一百六十一家所失本錢一萬三千二百萬員通行銀票四千三百三十萬員現銀一千零二十八萬員通國銀票六千三百八十四萬員現銀二千六百八十四萬員通國銀局十餘年共失銀不下七萬八千二百萬員其失信損重天下未有也○東北買尼邦部天氣甚冷地產不豐出木料等物運出者每年約值二百

海國圖志 卷之二十一
萬居民五十萬餘皆崇正教多學館城邑不廣海多支
港木賤便於建船公餉約六十一萬員居民多以捕魚
爲務○新舍部在買尼西居民二十八萬二千餘口北
界一帶白山有峯六百丈出五穀布匹納餉三萬六千
員○弗門部居民二十九萬一千出五穀○在南之馬
撒舒設地居民七十三萬七千餘口造布匹鐵器貿易
通商其都會曰破土屯係大市居民數萬船往來不絕
因新教舊教不合故別開埠公欠項六百七十二萬員
每年貨價銀計四千二百萬員羅地島居民十萬八千

務農織布都會曰天綱係大通市居民三萬名○君匿
地谷部居民三十萬在海邊新港居民勤勞向化製造
積財餉稅約十萬零七千員公費八萬六千員銀局內
積三十九萬九千員百姓甚聰明有學館○新約部人
戶稠密居民三百四十二萬口其會城居民二十萬有
餘爲花旗國最大之邑各貨由此出口街衢廣大居民
從正教爲各邦之宗公欠項二千二百七十九萬員歲
收餉約二千七百六十二萬員○新執西海邊之福邑
也居民三十七萬人頗安分公費八萬八千員公帑收

海國圖志卷之十一
四萬七千員。○賓林部舊日開埠與土人往來，秉公貿易，居民富裕，共一百七十二萬四千口，多由日耳曼國來者，製造繁盛，過他邦，每年約七千萬員，內地開河，平鐵路，以便貿易，農夫旺相，庶民受福，因失信故所損者重，公欠項三千六百八十五員，公帑收九十二萬四千員，其都城曰愛戎地，居民十六萬六千，亦大通市，花旗美地也，有大學館，廣布文學藝術。○地瓦亞小邦，七萬八千口，居民務農，公帑積五十萬員。○馬利地部，居民四十六萬九千口，多五穀麩粉，每年約價七十六萬員。

公項一千五百萬員，公費約百萬員，公收三十五萬員，入不敷出，港口八地米城，居民八萬口，係通商大市，最旺相。○威厄尼部，地初開墾，居民百二十三萬口，多出煙絲花等貨，其都會曰勒門，居民一萬六千口，百姓聰明，頗圖私利，公欠項六百九十九萬員。○可倫比部，為其國都，居民四萬三千口，統領所駐議事之地也，其都曰瓦昇屯城，居民二萬口，以開創之統領得名，有公會所聚之殿，甚壯麗，如羅馬國之古式。○北加羅林部，南加羅林部，熱阿義部，皆出縣花，弗利他部，多密林，昔屬

是班亞國路義撒那部在麥西哥河北岸其會城中居民數萬○阿希阿部居民百五十一萬地極興旺公欠項一千五百萬員公收三十一萬員○新開之地曰印地亞那曰金突其曰停尼士曰亞拉巴馬曰米西悉曰北米蘇利曰以利乃曰米治安曰約瓦曰威君新居人甚罕○在東澤邊有亞利雲地道光二十六年始與英國平分甫遷之氓漸墾務農○特察南地本屬麥西哥近為花旗人所居地廣而豐但港淺有礙駛船其始不服花旗管轄拒戰甚力因麥西哥無戰船軍士花旗有

兵有艦直侵其地卒為花旗所踞

瀛環志畧曰米利堅二十六部其內地各部大小不甚懸殊惟東北濱海數部壤地甚褊如紐罕什爾洼滿地麻沙朱色士干捏底吉紐折爾西馬理蘭已不及諸大部三分之一而洛哀倫特爾拉華二部周迴皆不過百餘里乃不及諸大部十分之一此非分地之不均也當歐人之初闢此土也人戶先棲託於海墻各成聚落後乃漸拓而西日益墾闢其國之三大埔頭摩士敦紐約爾非勤特耳又皆萃於東北富商大賈之所聚地雖褊小氣象固殊

內地各部皆資耕作幅員易廣而財力不如海濱之盛其勢然也迨華盛頓倡義拒英華盛頓生於雍正九年十歲喪父母教成之少有大志兼資文武部豪起兵相應舉事者十餘部因即分爲十餘國其後續附新分遂成二十六部皆仍其舊而安之非裂地而定封也洛哀倫人戶止十餘萬特爾拉華止八萬餘不能因其彈丸黑子并歸大部東方通商諸部紐約爾最富厚麻沙朱色士賓夕爾勒尼安次之緬與勿爾吉尼阿又次之倭海阿土沃人般阡的伊田納西地處中原沃野千里南方諸國濱海西方諸國傍河地

利之產運行較便故國多富饒計兩湖之南密士失必大河之東已無不闢之土河西止魯西安納阿甘色密蘇爾釐三部近益以威士干遜衣阿華二部其迤西數千里密林奧草野番所宅開墾不易然生齒日繁數百年後當亦阡陌雲連直抵西海之濱矣
 米利堅各國天時和正迤北似燕晉迤南似江浙水土平良無沙磧鮮瘴癘南方微有瘴氣亦不甚毒其土平衍膏腴宜五穀蘇花英佛諸國取給焉蔬菜果實煙葉皆備所出石炭鹽鐵白鉛境內小河甚多米人處處疏鑿以通運道

又造火輪車以石鋪路鎔鐵汁灌之以利火輪車之行
一口可三百餘里火輪船尤多往來江海如梭織因地
產石炭故也火輪船必須燃石炭木柴力弱不能用也英吉利火輪石炭皆自蘇格蘭帶來
米利堅政簡易權稅亦輕戶口十年一編每二年於四
萬七千七百人之中選才識出眾者一人居於京城參
議國政總統領所居京城眾國設有公會各選賢士二
人參決大政如會盟戰守通商稅餉之類六年秩滿每
國設刑官六人主讞獄亦以推選充補有偏私不公者
羣議廢之合眾國稅入約四千萬圓文職俸祿四百七

十六萬圓陸路官兵俸餉四百三十萬圓水師官兵俸
餉四百五十七萬圓雜費三百八十萬圓開墾土費一
千三百萬圓統領雖總財賦而額俸萬圓之外不得私
用分毫眾國舊亦有欠項道光十七年一概清還不復
丐貸于民然緣此公私銀號多歇業而國家或有不虞
之費無從取給云米利堅合眾國額兵不過一萬分隸
各炮臺關隘其餘除儒士醫士天文生外農工商賈自
二十歲以上四十歲以下一概聽官徵選給牌効用為
民兵餼糧器械概由自備無事各操本業有事同入行

海國圖志卷之十一
伍又設隊長領軍等官皆有職無俸每歲農隙集聚操演其民兵約一百七十餘萬丁與古人寓兵于農之法蓋暗合焉

危地馬拉之東南為南北亞墨利加連界之地名巴拿

馬地屬可倫比亞以一綫界隔兩海闊僅六十里泰西人謂能

將此土開為海道則東西兩洋一水相通掛帆而西直抵中國之東界便捷甚矣然石梗山脊疏鑿不易

按歐羅巴至中國道途之紆遠阻於紅海地中海之間隔蘇爾士旱路一百七十里若疏以通舟則水程

減二萬里米利堅至中國道途之紆遠阻於巴拿馬片土數十里若疏以通舟則西行而抵中國之東水程當減三萬餘里然兩大洲中東成至細之處于形家為過峽乃地氣所聯貫如人之有咽喉關兩洲之脈絡天地之所以界東西也今欲以人力鑿通之不亦慎乎

按亭露即祕魯為南亞墨利加著名之國泰西人目為

金穴其民恃地中有寶不屑耕稼故土壤鞠為茂草有懷金而啼饑者米利堅產穀絲而以富稱祕魯諸

海國圖志 卷六十一
國產金銀而以貧聞金玉非寶稼穡爲寶古訓昭然
荒裔其能或異哉

按泰西人所記四大土人民惟巴他義拿土番肢體
長大高于常人一身之半此外黝黑如阿非利加醜
怪如東南洋各島野番亦不過白黑妍媸之別而五
官四體要無大異乃知長耳比肩之民飛頭貫胸之
國古人故爲恢奇之說爾

南北亞墨利加海灣羣島

北亞墨利加之南南亞墨利加之北細峽相連自西北

而東南作灣環外向之勢其東北大數百島星羅棋
布西北起米利堅佛勒爾勒釐部之東南隅東南迄可
倫比亞之東北隅作灣環內向之勢兩灣中間之海名
曰加勒前明中葉是班牙遣可倫駕船覓新地地無主
名夙聞海外有五印度國卽云欲到五印度西行數月
忽睹羣島譁然以爲抵印度矣遂稱之曰西印度而不
知印度在東方與此無涉也西船初到時擇羣島腴壤
開設埔頭誘交土番謀墾闢後察知土番昏惰又強不
可使遂以兵力勦鋤無孑遺別買阿非利加黑奴墾田

播穀農務漸興其後復得墨西哥祕魯諸大國歲致金銀數十百萬視羣島如敝屣不屑經營久之爲海盜所據出沒剽掠商旅患之已而歐羅巴諸國接踵西來紛紛爭據羣島遂各有所屬是班牙之外曰英吉利曰佛郎西曰荷蘭曰樅國曰瑞國羣島氣候極溫與亞細亞南海諸島相似

海國圖志目錄

外大西洋墨利加洲 卽彌利加洲

卷六十二

彌利堅國東路二十部

戈覽彌阿國 都

緬部

紐含社部 一作新韓賽

注門部 一作華滿

馬沙諸碩斯部 一作馬沙諸些

律愛倫部 一作羅底島

表特底格部 一作干尼底吉

紐育部 一作新約基

紐惹西部 一作新遮些

賓西爾注部 一作邊西耳文

地那注部一作底拉華

馬里蘭部

注治尼阿部一作費治彌亞

南戈羅里部一作南駕羅連

北戈羅里部一作北駕羅連

若治阿部一作磋治亞

阿希阿部一作阿嘻阿

彌治顏部

根特機部一作建大基

佛羅里達部一作費羅里大

以上廿部皆彌利堅東路

海國圖志卷六十二

歐羅巴人原撰

外大西洋北墨利加洲

侯官林則徐譯

邵陽魏源重輯

彌利堅國東路二十部沿革分附各部

彌利堅洲之育奈士迭國分士迭二十有六士迭華言大部落也達厘多里二華言地方也底士特力一華言國都也在各士迭之中又各分岡底士華言小部落也惟雷西阿那所屬之小部落不曰岡底士而曰巴里些

士尙有因底阿士番所屬四部在外

〔戈攬彌阿部〕幅員褊小間於馬里蘭洼治尼阿之中

濱波多墨河距阿蘭底海二百里千七百九十年乾隆

五年頭目洼申頓所定因以名其國都為頒政判事

會議之總地創築三城一曰洼申頓一曰查治當一

曰阿力山特厘阿此三者皆其都城不在部落之數

地土燥溼不一頗多勝景河道通達無論大小海船

均可徑抵都城故貿易最盛案此部乃國都在二十六部之外

洼申頓城國初千八百餘年創築街道平闊若棋局車馬絡繹中設加碧多爾一座為議事

公所周三百五十忽中央高兩傍低平四圍石砌
飾以白堊有土人戰陣之圖勃列西領衙門一所
亦用石砌樓高二層旁即文武官衙門餘作書院
廟宇民舍并建橋梁可通阿力山特厘阿查治當
兩部千八百十四年被英吉利人攻破各衙門均
被焚燬後旋奪回修復都內居民萬三千三百七
十九人黑人三千二百二十九口奴僕二千三百十九口

查治當城在洼申頓之西中隔小河相距三里可謂洼申頓之外城屋多磚砌設有加持力書館一所公眾書館一所讀書幼童約四百名鑄炮局一所商賈貿易以此為最居民三千四百四十名

阿力山特厘阿城在洼申頓對岸相距六里築於小山設有鑄炮局育嬰館廟宇手藝館商賈貨物以麥麵煙葉兩種為最居民八千二百六十名

〔緬部〕東北俱界英吉利所屬之新墾地，西半界紐舍社，南界阿蘭底海，域內多山，著名之加達領山，高五百餘丈，在緬部之北，有阿爾臘牙時河，注爾魯士多河，阿魯士多河，三水俱由英吉利所屬之贊河發源，而注于緬地，在緬南之河道，有北納士葛河，根尼碧河，各長三百五十里，歷鼻峩而出阿蘭底海，模士迄湖，長五十里，寬自數里以至十五里不等，緬地河多湖，廣水居六分之一，原屬馬沙朱碩士之地，千八百二十年，嘉慶二十五年始來歸附，創部落，立岡色爾之官，每

年一更代，由眾推舉，所舉之人，必居緬地經三載，而推舉最多者，方得充之，若小部落理事官，即由總領選擇，會商岡色爾委授，如奉委之人果賢，即可常供厥職，非如岡色爾之歲更也，幅員三萬五千方里，戶三十九萬九千口有奇，領小部落二十有五，俗奉波羅特士頓教，加特力教，歲按戶收先士四十枚，為書館脩脯膏火之費，土產煤炭鐵石板木料醃魚，尤多巨木，先冬斬伐，待春漲浮出山谷，原本美理哥國志畧曰：明天啟六年，有英吉利數人始至

海國圖志卷之二
基尼伯河畔，創立一鄉，後數十年，與馬沙諸些合而為一道。光元年，始分立一部，曰緬部。東接新普倫瑞克地，西北連干尼底吉之南，此二地皆屬英吉利國。西南連新韓賽部，南接壓瀾的洋，南界隔赤道四十三度五分，北界隔赤道四十八度，自南而北，則四度五十五分矣。西隔中線東六度三分，東極隔中線東十度三分，由此觀之，自東而西之地，則四度無疑矣。其地參差不成方圓，故以其南北極東西極而言之，延袤與浙江省相似，其山則嶄巖不等，最高者五百

餘丈，萬山環繞，水皆注大西洋，其南境海潮常長至二三丈，雖冬月嚴寒，冰難凝結，北境則寒沍，雪深四五尺，數月不消，水面冰堅，人馬可渡。夏又炎蒸，故冬夏易于染疾。境南去西大洋約五六十里，沙礫泥潦，產五穀為最，藟蕪次之。腹內地則腴沃高平，大抵地曠人稀，樹木蔥鬱，山內產鐵，禽獸有馬牛羊豕，林木有松椽樺榆，果實有林檎桃苦提梨梅等，惟材木極賤，漁戶歲得銀五十餘萬，貿易有大小呢棉花紙熟皮蠟燭鐵器等物，而以木材為最，洋艘皆賴乎此。次

海國圖志 卷之十二
則畜牛羊豕犬販于他邦，又次有牛油香靛蠟燭靴鞋石磚鐵等，每年出口之貨約八百餘萬，所收稅餉約銀三四十萬圓，合計美理哥國貿易，緬部居十之五焉。道光十年，其居民共計三十九萬九千四百六十二口，所務生業，惟農漁商，無鉅富，亦無極貧，皆煖衣足食，通部內分中部十小部落，二百附基尼伯河，新建會城，名奧吉士大，其官有四等，首領一人，副領七人，巡按十二人，贊議數十人，其總制巡按議處，皆以三十歲為例，由民公選，各官皆以每年正月初禮

拜之第三日會議，其副總制七人，于巡按議處內公選總制，每年俸銀千五百圓，出缺則巡按之首署理，除副總制外，別有一善書助之，軍務則總兵官保障封疆，每歲總制與巡按及議處同會議省律法，在必行，其行之必自上始，又省內有一正察院，其餘分處各方，通省各員所用之項，共計銀二十萬圓為率，書院兩所，別有大學公堂，乃儒者苦攻聖文之所，其鄉中學館共三十間，此外童蒙之館，各處皆有，每人歲捐銀二錢八分，送交首事而已，別有聖教會所，共有

五百餘，每所內約六人至十人不等，內一師于每禮拜日，升堂宣訓，每年束修銀六百圓，至千圓不等，別有仁會數處，以濟鰥寡孤獨疾病之人。補今

〔紐含社部〕東界緬，西界洼門，南界馬沙朱碩士，北界英吉利所轄新地，城內峯巒層疊，其最高之洼申頓山，六百餘丈，其河俱由外部落山澗發源入境，湖澤最鉅者，為尼比西河，尼湖長二三十里，廣十里，狹二三里，近渚遙山，螺翠掩映，淪漣澄漪，娛懷蕩目，始麻臣俄尼士二人，於千六百二十三年。明天啟三年墾出那

洼博士茂兩處，旋與馬沙朱碩士并一部落，千六百七十九年。康熙十八年復各分治，旋歸附彌利堅國，設總

領及岡色爾官，均于一年更易，領小部落二十一，幅員九千四百九十方里，戶二十六萬九千三百二十八口，俗奉加特力教，波羅特士頓教，設書館千六百所，技藝館三十五所，湖澤多魚，民業漁販，邇來澤國亦漸聲教，土產洋參、冰糖、銅鐵、鉛、木、牛、馬、豕。原本〔美理哥國志〕畧初明萬曆四十三年，英吉利人始得新韓賽之地，迨天啟三年，許其自立為政，後數十年

土人皆將其地與馬沙諸些合爲一部而不自專及乾隆六年間則自立爲一部改稱新韓賽東接緬部北接于那大部西接華滿部南接馬沙諸些部東南界洋海南界南極出地四十二度四十一分北界北極出地四十五度一十一分西界隔中線東四度三十分東界隔中線東六度其地斜袤不正廣如浙江省四分之一自北而南羣峯秀峙山路崎嶇其北山高者六七百丈南山次之亦二三百丈惟北最高之峯積雪四時皓然呼曰白山山險嶺峻爲通國之最

近北有小湖南注于尼底吉大河與華滿部交界又有大湖通貫美理麥大河南過馬沙諸些復轉入東洋尚有各小河湖在外天時略暖于緬部土氣清和故民多壽越百年而逝者八十有三人木最高者二十丈厚徑七尺圍二丈有餘山內多鐵礦且多人參農皆立會彼此相助以廣耕種工匠不可勝數其紡織之所約六十間織呢絨之所三十二間亦有以人力獸力而磨五穀之房共六百有九間以水輪鋸木之房共九百五十二間每間用一二人掌之其水力

可抵百人橋梁共計二十有五其貿易罕商他國惟
賈本都道光十年民戶二十六萬九千五百三十三
口百年以前不過萬二千有奇而已地分部八小部
二百二十其波子某府城附近東洋海艘所匯港口
爲二十六部之冠隆冬不冰波濤不險最大之洋艘
皆可進口故國中兵船于此灣泊別有造船廠一所
礮臺二座部東瀕海有一河名庇士駕木瓜有二橋
一長四十八丈一長百七十五丈會城在美理麥河
畔名曰公哥突城戶口四千房屋稀少惟有一石監

長七丈闊三丈六尺高丈四尺監中五六十人工作
其中各官員與緬部同各鄉學館千六百間府學館
三十五間會城內有一大書院院內爲師者十位肄
業者約二百人教會共有五百餘每會建一禮拜堂
每會約有八九百人掌教者一人而已仁會亦同補今
汪門部東界紐含社西界紐育南界馬沙朱碩士北
界英國屬地境內多地其最高之勇士非爾山高四
百餘丈滾特底格河由汪門發源而達袞特底格入
海古勃連湖廣六千方里始由英吉利人居馬沙朱

碩士者首墾其地六年後佛蘭西人亦至千七百九十一年乾隆五十六年即歸附於彌利堅以滿比厘阿為首區設立總領一副統領一並有立法衙門行法衙門其逐年更易薦舉之方與紐舍社同領小部落二十五幅員一萬方里戶二十八萬六百五十口俗奉加特力教波羅特士頓教設書館千六百一十二所並有技藝館醫館一切費用定例每一小部供給三月周而復始產鐵器布疋棉紗麤呢牲畜每年計鐵器銀七萬五千員布百五十忽棉紗十一萬二十棒原本

美理哥國志畧萬歷元年法蘭西人由干那大地尋至華滿迨雍正二年英吉利人托足于馬沙諸些省由漸而據之乾隆年間別創華滿部東接干尼底吉河南北交界之度數與新韓賽同西接新約基部之汕玳連大湖其內地較新韓賽略廣南山連峯而北至會城分而為二環抱左右內多杉木老葉未殘新葉又發時人呼曰綠山即譯名華滿也其中瀑布有流入干尼底吉大河者有流入西之汕玳連大湖者其湖南北長四五百里東西闊幾十里洋艘數十可

航更有聯杉木為筏，販運他鄉，惟冬寒湖凍，舟不往來。北界有湖，名曰緬法喇美哥，長百里，廣十里，又百里外有小湖，水入之。嘉慶年間，夏月有人，在大小湖之間，建一麪房，欲決水磨麥，水忽漲發，泛溢百里之內，廬舍皆沒，湖亦不存。天時土產民俗，皆同新韓賽。但山上冬春皆有積雪，山中產鉛銅鐵錫，而鐵尤旺。又產皂礬，每年不下萬餘石，內分部十三小部，二百四十五居民，則二十八萬零六百七十九口。會城在部中央，名曰滿玳理，首領副領理刑官各一，御史十

有三書院教會等，皆同新韓賽。惟各官會議之期，不以正月而以十月。補今

馬沙朱碩斯部，東界阿蘭底海，南界哀特底格律愛倫，西界紐育北界紐含社，洼門地崎嶇多大山，千六百二十年。

明泰昌元年

英吉利人向奉加特力教者，以犯

英國新例，逃至勃士茂闢地而居，旋墾至洼治尼阿與土人不睦，移墾馬沙朱碩士，生齒日盛，千六百九

康熙三十一年

復歸英吉利國管轄，及各部落怨叛

自立，遂亦翕然背英而附，彌利堅設立總領一副總

領二，并立法行法判事衙門，每歲更易如例，其推舉人之人，須居部內一年，會輸納丁糧，方能舉人判事之官，卽由統領率同岡色爾選擇，定例亦是一年一更，如果爭眾，亦有再續一二年者，綜計幅員七千西方里，戶六十一萬零四百口，領小部落二十有九，以摩士頓爲首區，俗奉波羅特士頓教，加特力教，書館二千三百九十七所，費用亦各小部輪給，土產鉛鐵白礬石板煤炭大呢布疋魚油鹹魚，約值銀四百六十七萬二千七百四十餘員，布疋共七千九百二十

萬一千碼，

每碼計華尺二尺四寸

地雖崎嶇，而道路橋梁寬大

平坦，行旅無滯，

原本

美理哥國志畧曰：曩者英吉利人，初至馬沙諸些，名其地曰新英吉利，後分其地爲六，曰緬，曰新韓賽，曰華滿，曰馬沙諸些，曰干尼底吉，曰羅底島，而馬沙諸些，東瀕大海，近海之地，陂陀稍平，近西則高山峻嶺，與華滿無異，又有干尼底吉河，由北之新韓賽華滿交界，流過是地，而入干尼底吉，其河流在西境，僅居地之一，東境則居其地之二矣，東北角又有美里麥

海國圖志 卷之二十一
河及四方各小河，港汊紛歧，島嶼亦眾。大者曰南得吉島，天時頗和暖，因其地遠于北而漸近赤道也。每年春夏之際始雪，故至四月春晴雪散，萬物始繁，地氣如中國之江浙。民罕疾癘，山產金銀鉛銅鐵錫甚少，而草木五穀菓實禽獸皆多于新韓。賽華滿兩部業耕牧者十五七八，爲二十六部之最。近年樹桑養蠶日盛，工作之所二百五十間，織布呢絨玻璃器及鉛銅鐵錫各器，魚船共萬一千一百六十隻，惟得魚棄其肉而取其油，每年得資不下數百萬圓，貿易亦

多。然在二十六部則居其次，內分大部十四，小部三百有五，居民六十一萬零十四口。會城附東曰波士頓，然二十六部皆無城，故波士頓亦無也。城中房屋或磚或石，有高至四五層者，有一會議之館，高二十丈，中有華盛頓石刻之像，客旅寓館甚多，大者高五層，內房百八十間，時人稱曰三山客寓。又其市所冠于二十六部，樓高二層，廣長五十三丈六尺，有左右街，左街有六丈五尺，右街有十丈二尺，其市所名曰法內離阿，內外四面皆通，百貨闐溢，任求皆獲。城內

當畱餘地廣百畝圍以闌干外環樹木馬牛不容踐踏故人煙雖極稠密而地氣得以疏通城中文學最盛書樓數所內一樓藏書二萬五千本各樓共藏公書約七八萬本官吏士子皆可就觀惟不能攜歸而已通城學館每年用銀五六萬圓濟窮養疾之院亦如之海內商船火船甚眾陸地之車用馬四匹或五六匹或一二匹日行六七百里其外更有火車惟以火力旋輪日可行千餘里城外市鎮亦多大書院共六所內一所自始建迄今已歷二百年為二十六部

書院之首內為師者三十五人受業者三四百人藏

書四萬本補今

律愛倫部東北俱界馬沙朱碩士西界袞特底格南界阿蘭底海幅員千二百二十五方里戶九萬七千一百九十九口土不惡劣而寒冽不宜種植多捕魚貿易為生始有馬沙朱碩士之羅查威廉者遷謫此地千六百三十六年明崇禎九年鳩眾開墾至千六百六十三年康熙二年創築部落始屬英國後歸彌利堅國領小部落七以波羅威頓士為首區設正總領一人副

總領一人會議公署一所每季會議一次設書館三百二十三所肄業學童萬有七千俗奉波羅特士頓教加特力教產鐵煤石板

原本

美理哥國志畧曰明崇禎九年有馬沙諸些人初至羅底島乾隆五十五年則自立一部爲二十六部中之最小東北界連馬沙諸些南接壓瀾的洋西接干尼底吉內分中部五小部落三十有一其幅員僅如粵東之南海番禺二縣居民九萬七千二百一十二口平原無高山近城河畔有島故人呼曰島部所謂

羅底島者卽譯名島部也島上有小樓高十餘丈樓上小房四圍玻璃每夜然燈數十光與水映俾夜行海艘不致觸島沉礁此皆國中首領及富戶捐貲所設各部濱海者無不有之地氣又畧暖于馬沙諸些會城名普羅費典在部之東北與馬沙諸些相近城南海港通洋艘名曰新灣其貿易多販運出洋故其人戶雖不及馬沙諸些之多而貿易工作竟能與馬沙諸些相毗惟棉布更勝之又部內地平無高山瀑布不能借水磨穀每于海傍曠地建樓高六七丈上

置風車借風動輪而磨其穀其境既小各官往來會議不難故每年三四次不等補今

〔衣特底格部東界律愛倫西界紐育南界海北界馬沙朱碩士幅員七千七百六十四方里戶二十九萬七千六百七十五口西多大山河最長者衣特底格河由緬地發源經本部落五十里至紐蘭頓而注之海土雖不沃種植尙易近已栽桑畜蠶溯其開址之始一爲馬沙朱碩士人墾出赤活之地一爲英吉利人墾出紐蘭汾之地千六百六十二年康熙元年皆歸英

國管轄遂并合爲一千八百一十八年嘉慶二十三年始歸

于彌利堅國設立正總領一副總領一總會公署一所更代推舉如前例領小部落十有三以紐含汾爲首區俗奉加特力教波羅特士頓教書館甚多肄業學童八萬四千歲費銀百有九十三萬員尙有醫館律例館不在此數土產牛馬羊騾銅鐵石板魚油鹹

魚原本

〔美理哥國志畧〕曰明崇禎六年馬沙諸些人始至于尼底吉寄居其後漸次開闢皆屬馬沙諸些迨十二

年然後自立一部名之曰干尼底吉北界馬沙諸些東連羅底島西連新約基南濱海其方域有如中國直隸省十分之一內有五山高者七十餘丈餘多平地小河各處皆有，大者名干尼底吉河，徑新韓賽華滿馬沙諸些三地，而後入干尼底吉注于海，南有大港口，水不生波，而且迴環西注，而歷地獄門。其地狹隘，江流旋繞，小舟難渡，故土人稱為地獄門云。出新約基也，沿河土地膏腴，近南尤和暖，百產皆有，惟無人參，居民以其地腴，故尤加意耕種，工作制造之物，布棉藤布疋大小呢紙鐵

器等物，又一地每年作木時辰鐘三萬件，每件價約銀六圓至十圓不等，餘物出販無多，故洋船亦少，分中部落八，小部落百有二十，居民二十九萬七千七百十一口，會城有二，一曰哈得富耳，一曰新港某，哈得富耳在部中，附干尼底吉河，其新港在境南瀕海，通共教會共四五百，每會於禮拜日，約千數百人，登堂聽教，其學館為二十六部之最，於新港會城之內，大書院有四，其一例學四年，然後隨意學于三所，三所內一學聖文，一學醫道，一學國中律例規條，四所

為師者共二十人受業者四五百人于哈得富耳城
內一大書院名曰華盛頓其外教啞與聾者一院中
有百數十人所學之法皆以手指其後二十六部皆
倣此焉補今

紐育部東界注門馬沙朱碩士表特底格南界賓西
爾洼尼阿紐惹西西北皆界英國新地幅員四萬五
千六百五十八方里戶百九十一萬八千六百口域
內多山地亦平曠山以朗答峯為最高約三百餘丈
河以赤臣河為最要長三百二十五里此外河湖盡

通舟楫始蘭頓之人於千六百九年

明萬曆三十七年開闢

紐育千六百六十四年

康熙三年

設官治理迨各部背英

而紐育亦於千七百七十五年

乾隆四十年

歸附彌利堅

國英國以紐育本我自墾之地不甘遽棄故興師報
復大受荼毒領小部落二十有四以紐育為首區設
立正總領一人副總領一人均由人民公舉其立法
之官一曰西業一曰阿新墨里西業四年一易阿新
墨里一年一易其審判訟獄者又分大小即由西業
選充如大者果能供職至六十歲始更易小者五年

卽更其推舉必須白人年逾二十居本部經一年者方能出書薦人否則不得預也俗奉加特力教波羅特士頓教文學日盛書館萬有一百三十二所學童五十四萬一千四百費用銀四十一萬九千八百七十八員尙有各技藝館不在此數先濬運河費官銀千餘萬員其通各部車路多鐵鑄成費亦不貲土產銅鐵鉛鹽牛馬豕羊疋頭玻璃等類計每年工作之物約值銀六千餘萬員未成器皿亦值銀四千餘萬員各家造織粗呢等物亦值銀二百餘萬員

原本

美理哥國志畧曰明嘉靖二十四年伊大里人始至新約基寄居爲荷蘭服役其時地屬荷蘭故稱之曰新荷蘭迨後順治年間英吉利人逐荷蘭而奪有其地英國王分封其昆弟名約者主之與荷蘭久戰爭終爲英吉利所得名之曰新約基其疆域有如中國之福建省地形三角惟東南角爲海島東界干尼底吉馬沙諸些華滿等三部東北角直至西南角皆連干那大地南接邊西耳文新遮些二部土地高下不一惟東多峻嶺大者名亞罷拉旣俺山河不勝數大

者名活得遜河自北流出千里入海河闊三四里來往洋船可納于半河有瀦瀑布之湖名曰畜治又西北之湖有二一名晏爹利珂一名伊里其二湖之界半屬部境晏爹利珂湖比于中華之鄱陽湖尤大其水出而西流其瀑布自上而下高十六丈聲聞數十里其地自南而北千百餘里故北之寒甚于南每冬春之月河冰可行車水有可作鹽有可作藥者惟作鹽更佳每年約賣數十擔民耕種者居四之三以地爲田者居四之一又部中首領欲人設農圃會故每

部立一會首領每年共送銀一萬員其貿易爲二十六部之最土產出賣每年共銀二千三百餘萬員進口之貨變價約銀三四千萬各行工作會所約二百年每年賣出棉布約三百萬嗶嘰約三百萬鐵器約四百萬帽約三百萬熟皮約三百萬所作之靴鞋約共五百萬所作之白紙約共五十萬玻璃約二十萬其運貨河有火船陸有火車若速行每點鐘可五六十里慢行每點鐘可三四十里內分中部五十六小部七百六十二居民百九十一萬三千五百零八口會

海國圖志卷之二十二
城亦名新約基在東南活得遜河口之東于二十六部城池形勢當推此城爲首城南港口可納洋船每月數百艘皆可駛至城下城外更有各市鎮逾河而北數百里一鎮名阿爾巴尼一鎮名推來者是也部內總制等官皆以二年爲一任二年後復選議處三十二人分四班每班四年爲一任首班任滿則二班升爲首班別選八人爲四班周而復始參議百二十八人每年一任會議以正月爲期按察院之大者有四一內巡撫一員議處三十一員正按察一員副按

察三員每事皆會審定議一內按察一員省內各事皆專自辦理一內按察三員每事商辦一通部分爲八巡道每道一按察院所有道內各事皆自查辦其外州縣司等小察院亦有四每年大小學館費銀約一二百萬圓國中有一演武館在省內活得遜河傍地名西角內爲師者三十人學習者二百五十餘人學刀鎗礮械軍器補今

紐惹西部東界海南界地那洼西界賓西爾洼北界紐育幅員七千二百七十六方里戶三十二萬八百

二十三口，北多大山，而平地多沃衍，有巴沙益河，總受各水，匯成深潭，澄泓涵演，怡人遊眺，其初開地者，一為綏林之人，首墾南隅沙臨之地，嗣有荷蘭人開闢東北，千七百二年，康熙四十一年始歸英吉利管轄，迨各部落叛英吉利，遂即率眾歸附于彌利堅國，領小部落十有八，以特連頓為首區，設立總領，及立法之岡色爾，並總會公署一所，均由民人公舉，其審判訟獄者，即由總領等選充，上等者七年一更，次等五年一更，國人須年逾二十，曾納丁糧者，方准出書薦人，若

婦人黑人，皆不得預，俗奉加特力教，波羅特士頓教，禁販人口，近來文學，亦有起色，產鐵白鉛石板，疋頭等類，車路亦皆治鐵為之。原本

美理哥國志畧曰：明天啟四年間，大尼國人始至，新遮些寄寓，其後英吉利荷蘭瑞典等國人漸至，其後英吉利盡逐各國自立一部，近始歸美理哥，其地延袤比浙江五分之一，東南瀕海，北接新約基，西接邊西耳文，內分中部十三，小部百二十，居民三十二萬七千六百九十九口，西南有底拉華小港通海，東界海，皆

沙漠無山，惟近西有小山，其東沙漠之地，夏令炎熱，倍于他方，由東而西地漸高，則炎熱漸減，地土不美，耕種無多，工作貿易則勝別部，會城名鐵鏈通，其城近于底拉華。今補
賓西洼尼阿部，東界紐惹西，南界馬里蘭，洼治尼阿，西界阿西阿，北界紐育，幅員四萬七千方里，戶百有三十四萬八千二百口，城內有墨魯山，高百餘丈，此外大山尚多，未及測量，河澤雖多，不甚長廣，如底臘洼河最鉅，亦僅長三十餘丈，其初開地者，本綏林之

人，至千六百八十二年

康熙二十一年

為英吉利將官威廉

邊所據，千七百九十年

乾隆十五年

始歸附于彌利堅國，

領小部落二十有七，以哈里士麥為首區，設總領一人，并總會公署一所，內有西業里勃里先特底甫兩官，贊襄諸事，均由人民公舉，三年一更，如各部例，先日文學迂劣，千八百三十六年

道光十六年

漸見起色，俗

奉加特力教，波羅特士頓教，土產鐵煤鹽馬牛羊磁器布疋，大呢玻璃苧麻等，五穀尤豐，車有鐵路，可通

近部，原本

海國圖志 卷六十二
美理哥國志畧曰邊西耳文之始原康熙十九年我國未立首領之際尙屬英吉利于是有英吉利人姓邊者其父曾爲水師大將征伐捕盜有勳勞于國故以其地封其子至康熙二十年有船三隻至二十一年又有邊船自至其時尚未有歐羅巴人至此土曠人希故邊向土人買此野地今名之曰邊西耳文譯云邊之林野也東接連新遮些省東北接連新約基西北直接伊里湖正西界阿嚕阿費治彌亞二地南界連費治彌亞馬里蘭底拉華等三地較之浙江畧

廣有押罷拉旣俺山自東北至西南闊數千里高二四百丈城不瀕海惟西北有伊里大湖東有新遮些交界之底拉華河其河水出而下注至省城之底拉華大灣是故洋船常至城外又押罷拉旣俺山有溼布下蘇貴哈那大河由此而南注馬理蘭部境東不暑不寒與新遮些無異惟城外峻嶺則寒較勝然過此以往至西則又和暖地土肥瘠則東勝于西山中多樹木禽獸而煤更盛甲于諸部土人每常掘地四五十丈取水作鹽亦有水可作藥者耕種不甚加意

海國圖志 卷之二十一
以其地太廣也。五穀以麥爲多，果實以桃梨蘋果爲盛。工作則有呢絨布疋玻璃鐵器木器各等。又有作煙櫃之所，其煙櫃在車則云火輪車，在船則曰火輪船。此皆賴水蒸之力，旋轉而行。部內分爲二巡道，五十一中部，五十一小部，居民百三十四萬七千六百七十二口。城介底拉華灣底拉華河之間，名曰費拉地費。至海約四五百里。城居底拉華河之西，四圍皆九里十里方平，街衢廣五丈至十一丈，無曲道小巷。省西有小河，河四十里外之上流，清如瀑布，于此有

水車渡其水，上進至一小山，山上有池，池外有大鉛管貫入，而復渡其水出也。其鉛管斜下，透入城中地底，如中華之溝渠，由是各家地下皆有鉛管引水，各街地下亦有鉛管分流也。又街中家家各豎一管，以截其水管，上有一扭準，如欲放水，則扭出其準，欲止其水，則扭入其準，故炎夏洗街，家中用水，皆于此管焉。其管或鉛或瓦爲之，非比地下之必以鉛爲也。省城內有一博物院，廣聚天下出類拔萃之人，官員每年以十二月會議，餘與馬沙諸些無異。大書院有七

每院為師者三四人從學者一二百人鄉中學館在

前時無多今土人合議各人捐輸竟有一人樂助銀

二萬者餘亦捐題不少教會遂多至八九百所焉今補

地那洼部東界海西南皆界馬里蘭北界賓西爾洼

尼阿幅員二千一百二十方里戶七萬六千七百四

十八口地勢平蕪南多潮溼河渠不多其大者墨蘭

地温河不與他國貿易惟與近部舟貨往來千六百

二十七年明崇禎七年始有綏林之人開闢其地千六百

六十四年康熙三年歸於英國千八百三十年道光十年始附

于彌利堅國領小部落六以那洼為首區設總領一

人四年一易薦舉如前例書館百有三十三所需費

銀十八萬員俗奉加特力教波羅特士頓教土產大

呢布疋鐵器等原本

美理哥國志畧曰明萬歷年間瑞典王遣使渡海至

新瑞典地後順治九年為荷蘭人所奪至康熙間復

為英吉利人轉奪改名曰底拉華于二十六部內羅

底島極小而底拉華次之僅當浙江省二十分之一

東與洋底拉華灣等分界北與邊西耳文為界西南

海國圖志 卷六十二
接馬理蘭內分爲三中部二十四小部居民七萬六千七百三十九口水路通海通底拉華灣并有數小河交匯其運河長六十里廣十丈深一丈有山不高地則西北爲佳東南時虞漲潦土既不美耕種者稀工作貿易亦然境內一城名日多發官員學館教會皆與邊西耳文無異惟大學未有建設緣始與邊西耳文本爲一部後分爲二故土人之規模動靜皆大同小異補今

馬里蘭部東界地那注海西南俱界注治尼阿北界

賓西爾注尼阿幅員萬有三千六百方里戶四十四萬七千四百口地多大山平壤頗沃河道四達故海船貿易甚大其初英國律官曰麻爾底摩者領眾二百至此開墾父子相繼千六百三十三年明崇禎六年值馬里阿女王時告成遂以王之名而名其地曰馬里蘭迨各部落叛英以後馬里蘭亦歸附于彌利堅國領小部落十有四以阿那波里爲首區設總領公署一所薦舉更代如前例各部書館費用銀五萬員文學漸起俗奉加特力教波羅特士頓教產銅鐵磁器

海國圖志 卷之二十一
石板麥粟魚油鹹魚大呢布疋原本

美理哥國志畧曰明萬曆年間英吉利人奏准女王請往美利哥闢地遂領二百人置買此地名曰馬理蘭馬理者王后也蘭者地也蓋言王后之地也海口在底拉華之東邊西耳文在北費治彌亞在西南內分二路十九中部落居民四十四萬六千九百十三口東接大洋中貫遮士壁灣北連蘇貴哈那河西連頗多麥河東南瀕海地廣無山西北峻嶺高三百丈海濱甚暑近山甚寒東南土宜五穀果木工作則有

鐵器牙器玻璃紙料等會城有二一名霸地磨耳一名安那城書院有四公貯書數百卷境域當浙江四分之一美利哥國都半在部西半在費治彌亞周四十里名曰華盛頓初未立都城時與英吉利爭戰以華盛頓為帥得勝故以其名名都城今為二十六部之公地故各官亦公同理事于其中補今

注治尼阿部東界馬里蘭海南界北戈羅里西界根特機阿希阿北界馬里蘭及賓西爾注尼阿幅員七萬方里戶百二十一萬一千四百口地多大山其高

者有波威爾土山四百餘丈河渠甚多最長之波多
墨河長三百六十里商賈所匯也初英國依里薩栢
女王時有英人在占士開墾告成千七百七十六年
乾隆四十年即自立為一部歸附于彌利堅國領小部落
五十有三以里治滿為首區設總會公署一所薦舉
更代如前例書館百所學童萬七千餘口歲費銀四
萬五千員此外各部尚有大書館大書院及技藝等
館俗奉加特力教波羅特士頓教產金鐵銅鉛煤鹽
麥粟煙葉棉花等部落庫中常貯銀三百萬員備各

款經費原本

美理哥國志畧曰明萬曆三十四年英吉利占士王
時有人至美利哥開一新地立其城即以王占士之
名名之然地開闢人煙稀少鳥獸交錯廬舍荒蕪迨
後分茅列土之際始名曰費治彌亞譯云貞女意以
頌讚女王也東瀕海東北接馬里蘭北接邊西耳文
西邊呵嘻阿建大基二部南連典尼西駕羅連二部
二十六部疆域此為最廣有如貴州省焉省北有押
罷拉既俺山橫亘邊西耳文部斜抵西南有羅晏屋

河占士河頗多麥河，呵嘻阿沙河，其外尚有數小河。境東瀕海無膏腴，惟沿河皆沃土。境內之山有一橋，浮石生成，非由人力。橋底離水二十丈，橋闊數丈，傍多樹木掩映。又有一石洞，口僅容人，而內深一里許。內有數石人，不知制自何代。時人呼曰龍洞。地廣務耕種，多稻穀果實，貿易亦眾。內分爲二路，又分中部落百有三，居民百二十一萬一千二百七十二口。會城近東沿河，名里是滿。補今

南戈羅里部東界海，西南俱界若治阿，北界北戈羅

里，幅員三萬三千方里，戶五十八萬一千一百八十八口。境內僅有特墨爾山，高有四百餘丈，餘俱崿嶺，林木叢茂。初英國律官曰格拉領頓者，與依爾額蘭威爾里等奉渣爾士王之命，於千六百六十三年。康熙二十二年墾此，即以國王之名而名其地，曰渣爾士頓。嗣與臘里開墾之地，亦經告成。總名曰戈羅里。地方遼闊，旋分南北兩部。千六百八十年。康熙十九年英國續遣落機至此，又將南戈羅里再分兩部落，設官治理。不洽人心。千七百一十九年。康熙五十八年并歸爲一。迨千七百九

十年乾隆五十五年亦背英而歸彌利堅國領小部落十有

九以果攬彌阿為首區計幅員三萬三千方里戶五

十八萬一千一百八十口設正副總領各一人並總

會公署一所薦舉更代如前例書館八百一十七所

學僅八千三百九十人歲費銀三萬七千員俗奉加

特力教波羅特士頓教產鐵棉花苧麻絲髮穀稻等

河渠不甚長遠有鐵路通鄰部原本

美理哥國志畧曰康熙五十九年駕羅連之南始有

人托足後康熙六十年立一城曰查士頓原與北駕

羅連為一迨雍正七年始分疆為二號南駕羅連東

南濱海北接北駕羅連西南接薩治亞地當中國浙

江省四分之一皆平地無高山由東南而西北則地

漸高故北有玳底大河貫境而注東南洋又有散底

河貫境而至南洋西北交界有卸番亞河亦斜入西

而注南洋海中自東而西多島其中參天材木不可

勝數故部內火輪船皆在島內往來不致遭外洋之

風浪東南多煙瘴歲中常暑熱冬至不過稍寒數日

霜雪旋落旋消西北地漸高天氣亦漸適中東南瀕

海一二百里皆膏沃，多松橙，三百里外則沙漠無際，漸進而高，直抵西北，則又勝乎東南，與駕羅連北部相同，地多產金，不可勝用，貿易以棉花穀米為最盛，境內無販貨之船，皆鄰部之船，載運出境，內地分為中部二十九，居民五十八萬千四百五十八口，東方查士頓城最大瀕海，此外別無大城，會城名個倫備亞，其官員與駕羅連北部無異，惟北部無副領，此則多一副領，亦並無職事，惟遇首領缺出，則補其缺，教會約二三百，大書院二所。補今

北戈羅里阿部，東界海，南界南戈羅里，西界地尼，西極北界洼治尼阿，幅員五萬方里，戶七十三萬七千九百口，墨魯山亦有在境內者，最高之峯五百餘丈，此外大山尚多，林木叢茂，河港歧分，最長之羅阿萊河，由洼治尼阿發源，四百里，始英國之臘里，墾此與格拉領頓所墾之查爾士頓，即今南哥羅里峯內小部落等處告成，遂合為一，曰戈羅里，與洼治尼阿毗連，故有謂戈羅里之北，即洼治尼阿，至千七百二十年，康熙五十九年分疆設吏，始各有其地，遂分戈羅里為南北兩部，甫分五

海國圖志 卷六十二
十六年，卽肖英而歸附彌利堅國，領小部落二十，以臘里爲首區，設立總領岡色爾等官，掌理政事，設總會公署一所，及書館、技藝館，俗奉加特力教。波羅特士頓教，產金、鐵、木料、粟、麥、洋藍布、棉花、苧、麻、工作器

皿原本

美理哥國志畧曰：明萬曆十二年，英吉利人始至北駕羅連，而得其地，以費治彌亞爲鄰，西以典尼西爲界，南接駕羅連，東南濱海，方域比中國浙江略廣，東南地平無嶺，惟西北有押罷拉旣俺山，時人或呼之

曰藍山，或呼之曰鐵山，又呼爲煙山，皆以其山所有稱之也。省東北有晏羅屋磋灣上河，其源自費治彌亞而入，過東南而注於海，東則有大河及奈士，東南有呷非耳河，有壓健河，源委皆在境內，其入海處激沙成洲，由是分流於班利哥亞、皮蔴祿二灣，境內地氣惟西爲美，東多烟瘴，土產黃金，故掘地與淘沙者二萬餘人，計每年之金變價約銀五百餘萬，其木多松，居民以松香爲油，耕種甚寡，植物粟、米爲最，麥、棉、煙葉次之，人參亦間有之，貨罕販運出洋，因洋舶少

海國圖志 卷之二十一
也分中部六十二居民七十三萬八千四百七十口
會城沿奈士河名喇理首領一員參辦七員議處十
數員參處數十員書院僅一所補今

若治阿部東界南戈羅里南界佛羅里達西界阿那
麻馬北界地尼西地卑溼又復多山墨魯峯在境內
者約四百餘丈扎達湖支河由境內發源而達佛羅
里達入海長五百里此外小河尚多初英國若治阿
二世王時聞南戈羅里有因底阿大呂宋與彌利堅
新墾之地故於千七百三十二年雍正十年遣將率兵並

徙國中貧民至此墾邊遂以國王之名而名其部曰
若治阿有大呂宋人在佛羅里阿者設兵拒之至千
七百九十八年嘉慶三年始歸附於彌利堅國初尙與阿
那麻馬彌斯栖比之西邊小部總爲一區至千八百
二年嘉慶七年始畫出疆界領小部落二十有八幅員六
萬二千方里戶五十一萬六千八百二十口俗奉加
特力教波羅特士頓教設總領西業里勃里先特底
甫等官薦舉章程均與戈羅里相同各書館歲用銀
萬八千七百員產金鐵棉花稻穀木料木器原本

海國圖志 卷之二十一
美理哥國志畧曰濱海之部以磋治亞部爲盡自雍正十年始有英吉利百餘人寄居于此立一城曰卸番亞迨雍正十三年有瑞典與荷蘭二國人至其時境南有費羅里大地原屬西班牙其居人見有英吉利瑞典荷蘭等國人至遂與爭鋒干戈數載始息乾隆十八年復有英吉利人至始稱爲磋治亞部東南抵海東北界南駕羅連北接典尼西西連亞喇罷麻南連費羅里大方域如中國直隸省焉北之押罷拉既俺山至此而止又有數河斜下東南洋東北有卸

番亞河附城有阿結治河又有亞拉達麻哈河皆注南洋地土氣候皆與駕羅連南部無異北有石洞其洞口高數丈下有水時人每用小舟浮入至十五里之深則有瀑布飛下不知其源從何而始不可復進矣貿易耕種皆與南駕羅連相同土產棉花穀米烟葉等省內分爲七十六中部居民五十一萬六千五百六十七口城之最大者附近卸番亞河卽以河名其城會城則建于中央名靡理治教會三百餘大書院一所各鄉小學館百所土人有二族其始不諳工

作耕種政教，近則延師往教，多文墨之人矣。初費羅里大地廣人稀，邑多土蠻。嘉慶年間，歐羅巴人與西班牙雅人爭戰，有美理哥貨船為西班牙人所劫，國中總領知之，起兵反討于西班牙王。王見我國理直，惟貨已難返，遂以費羅里大地償之。是以斯地屬美理哥，此乃道光十年事也。今補。○西班牙即是班牙，皆呂宋之別稱也。
阿希阿部東界賓西爾，注尼阿南界注治尼阿地。尼西西界因地阿那，北界彌治顏依里湖，地勢高阜，少大山，多河渠，最長之模士經岩河，亦不過二百里，千

七百八十八年，乾隆五十二年有西北方人始至阿希阿之麻里達開墾，至千八百年，嘉慶五年告成，設官兩載即歸。附于彌利堅國，領小部落三十有四，以戈攬模士為首區，幅員四萬五千方里，戶九十三萬七千九百口。俗奉加特力教，波羅特士頓教，設總領等官如前例。書館二十間，經費由公田撥出，產鐵煤鹽石板粟煙葉稻穀芋蔴牛馬玻黎棉花等，有河道可達港口，陸地有鐵車路以達鄰部。原本
彌治顏部地分二區，中隔彌治顏休倫兩湖交匯之

水其湖北一區東界英吉利屬地南抵彌治顏湖西
界威士袞申北抵蘇比厘阿湖有波古派大山高二
百丈域內河皆北流注蘇比里阿湖僅東隅之仙馬
里有土番八百人居之餘俱荒曠地廣人稀彌利堅
亦僅有皮革公司與土番貿易雖設墨臘底礮臺尙
無人流寓其湖南一區東北俱界英屬地方並休倫
湖依里湖西抵彌治顏湖南界阿希阿因底阿那三
面包湖惟南面平陸沙土疏衍隨地可種有先左色
付河長二百里通舟楫其不通河者卽有鐵車路鄰

部通衢故城邑俱建在南區而北區則尙無城邑也
彌治顏湖廣約八十里至百里長約三百六十里始

佛蘭西人於千七百年康熙二十九年墾其地先築底特律

部落卽今首區也迨各處開闢已成於千七百六十

三年乾隆二十八年爲英國所奪設達厘多里至千八百三

十五年道光十五年始附于彌利堅國領小部落三十有

九幅員五萬六千方里戶八萬七千二百七十口俗

奉波羅特士頓教設立正副總領二年一易判事之

人七年一易薦舉如各部之例惟不拘何人均可出

書推薦與各部不同又新闢之地未詳土產原本

〔根特機部東界洼治尼阿西界依里內士彌梭里南

界地尼栖北界因底阿那阿希阿厥田惟中中少大

山有河道通各部其最長之甘麻蘭河六百里本因

底阿土人遊獵之所時相爭鬪千七百六十七年乾隆

三十二年有洼治尼阿北戈羅里兩處獵戶至此遊獵始

引白人數十家遷居於此緜負相望人烟日盛千七

百九十三年康熙五十七年遂歸附于彌利堅國領小部落

三十有七以佛郎賀為首區幅員四萬五百方里戶

六十八萬七千九百口俗奉加特力教波羅特士頓

教設立正副總領西業等皆四年一易里勃里先特

底甫兩年一易判事之人即由總領選擇更易無定

期雖有書館尙未籌撥經費產煤鐵鹽洋消麥苧麻

烟葉棉花工作等類原本

〔美理哥國志畧〕曰建大基部原屬費治彌亞乾隆三

十有三載有單爺利蓬者徙居于此建一舍四圍皆

木三十有八年至者漸眾立一邑名曰暇律士邑四

十有四年與費治彌亞分茅列土不作附庸四十六

年則與鄰並立而屬美理哥國其地延袤與中國浙
江無異地居二十六部中央東連費治彌亞東北則
呵嘻阿西北則引底安伊理奈等西有美蘇里南有
典尼西東有押罷拉既俺山自東南連峯而入地土
稍高瀑布流注或南或北或貫北而西往東北有阿
嘻阿河自北而西注于美士細比河故又與呵嘻阿
引底安伊理奈等部交界境內各河皆注于斯地居
通國中央故寒暑均平土地膏腴五穀果木不可勝
用亦有鐵鉛及煤水源之鹹者可以作鹽有一泉水

可作藥用山中之穴甚多其大者上半載風從穴外
而入下半載風從穴內而出竟不知風從何來亦不
知穴之深淺曾有土人于上半載以窗門掩其風秉
炬而入見其延袤高下不等入行一日過五十里猶
不能盡乃返又經一日始出其穴內之廣可知矣農
圃則禾麻菽麥煙葉苦墨等惟麥甲于諸部不通洋
船故貨物難運出外惟用火船在國內貿易而已分
中部落八十三居民六十八萬八千八百四十四口
其中城市鎮埠以異士鎮爲大呵嘻阿河爲商賈通

津其次則歷星頓鎮前此曾為省會其中房屋工作貿易推為最美會城在北介于累士歷星頓二鎮之中名法蘭富耳部內兵強將勇官有首領議處參議等首領議處皆以四年為一任參議幾十人每年一任期滿則由民別舉教會約四五百大學公堂五所各處小學館亦不甚多補今

佛羅里達部東南西南俱界海北界若治阿平坦少高山上夾沙石卑溼異常仙贊士河自境內發源入阿蘭底海長二百里始大呂宋之般士底里晏於千五

百一十二年

明正德七年

墾此名其地曰佛羅里達至于

五百六十五年

明嘉靖四十五年

建有歐吳士代部落千七

百六十二年

明嘉靖六十二年

為英人所奪甫二十年大呂

宋旋復奪回於千八百二十年

嘉慶二十五年

遂將全區售

與彌利堅國原居之人皆他適畱此者漁戶農夫而已近年招復流移築室日眾領小部落二十有五以達那哈西為首區僅設議事處一所幅員共五萬五千方里戶三萬四千七百三十口尙未設定官府故不曰士迭而曰達厘多里猶華言不曰部落而曰地

方也產玳瑁蜜蠟棗子橙石榴無花菓甘蔗棉花洋
藍牛馬豕等又產里付和木最堅原本

